

60

1

2

3

4

5

6

7

8

9

10

1

2

3

4

5


6

7

8

9

C40-4514



B 64863

繼總禪師語錄序

伏見西來衣鉢大事因緣有以
多爲貴者如黃蘖所稱不是無
禪祇是無師馬大師會下八十
四人坐道場得正法眼者無幾
人廬山歸宗是其一此因多而

60 1 2 3 4 5 6 7 8 9

10

80

12

3

4

5

6

7

8

9

翻見少也有以少爲貴者全部傳燈如大慧所囑付僅得彌光妙總兩人而妙總禪師一稱平江資壽尼一號無著道人爲丞相蘇公頌孫女咨叅諸老早入正信當大慧奉勅再主徑山宗

風丕振臨濟中興而來往盤桓與張侍郎無垢馮給事濟川眉毛廝結於徑山方丈中者獨有無著道人宜大慧付偈有云臨機一一任天真世出世間無剩少我作一偈爲證明四聖六凡

盡驚擾從此響震諸方而同時
有溫州淨居妙道禪師爲延平
尚書黃公裳女有開堂法語並
見傳燈此因少而翻見多者也
只今南楚繼總禪師毓生名公
世族同積年真參實悟同龍池

萬如和上記荊與徑山妙喜老
人囑付同從上淵源徑山前有
佛果龍池前有天童其爲滴骨
滴髓臨濟兒孫同是知繼總徽
聲固足爭光無著爲先後宗門
兩大總持也廻繼總師之竿頭

60 1 2 3 4 5 6 7 8 9

10

80

1

2

3

4

5

6

7

8

9

10

進步者在說法浩浩中還視無
著道人實爲得未曾有自花開
南嶽果結禹門以來江北江南
竿幡隨建橫擔榔栗到處踏毘
盧頂上行向優鉢曇邊現眼筋
舌骨喝月擎雲塵說刹說熾然

說無間歇說幾於石室盡寫金
言草堂悉書貝葉矣吾構李非
無佛稱尊之地赤肉團上無位
真人往往出現更喜象王一行
狐踪斷絕其爲人天利益詎可
思議哉卽不慧抱影東臯得以

60 1 2 3 4 5 6 7 8 9

10

80

1

2

3

4

5

6

7

8

9

10

11

12

13

佛法相見一聞師八齡時夙根
猛利從外祖南贛中丞宋公禮
足憩山肉祖機緣再聞高工部
玄期公奉使衡陽時值乃祖蘇
州刺史幻臣劉公耄耋得道刻
期示寂同聲唧剎機緣直是無

始劫來威音王那畔公案而師
發通天竅展縮地符卽此具見
豹斑令人陡然浹背矣如許白
紙黑字的的空谷足音可使截
斷衆流亦可使乾坤函蓋應效
菩提流支彈指讚歎無已仍作

60

1 2 3 4 5 6 7 8 9

10 1 2 3 4 5 6 7 8 9

80 1 2 3 4 5 6 7 8 9

譚貞

左行梵書流傳西土俾西土沙
 門東向遙禮聖人更應令楞嚴
 藏冊妙麗莊嚴添一重提魚籃
 賣笊籬應化神通大作畧庶於
 慧燈普炤少分相應云爾

順治丙申長至月望國子監司

業兼掌祭酒事前戊辰二甲進
 士工部虞衡司郎中大理寺左

寺副

曹溪憨祖弟子福徵道一居士

譚貞默槃談撰



60 1 2 3 4 5 6 7 8 9

10

80

1 2 3 4 5 6 7 8 9

9

季總微禪師語錄敘

從古有言優曇鉢華三千年一度現大善知識五百
世許相逢且曇華作麼現知識作麼逢滿眼烟波難
泊岸釣竿未舉早先知莫道世間無駿骨追風現有
季法兄師生緣南楚姓劉適陳陳君宦西粵殞於非
命師白簡鳴冤報仇雪恨卽弃家學道參山茨和尚
棒下知歸結茆衡獄峰頭深蓄厚養透明今古具有
古德氣槩茨師圓宋單瓢隻杖泛湘江涉洞庭慨然
有南天台北五臺之遊埽祖塲探禹門機契龍池萬
如和尚授記荊焉餅錫到處士紳仰慕四衆雲臻莫

提述

卷之三

不延請弘揚法道棒喝交馳雷奔電掣說法利生度
籌盈室會下多有省發者師不濫印焉嘗曰不二法
門嚴戒律者已寡大千界內真參悟者益稀故師律
已稟如嚼雪領衆肅若啣枚毫無假借不似當今宗
匠亂搭東瓜印子妄屬匪人良足重也丙申秋日師
來訪余出慧燈語錄讀之如食哀家梨令人爽口快
心又如入山陰道中令人應接不暇又如果日當空
光芒閃爍令人不得正眼相覲余請付梓使有目者
共睹曇華出現有識者咸欽知識相逢余與然作叙
余懼白衣弁首無異佛頭著糞師曰老盧得法非僧

相龐老通明豈離家不獲已視其語意則指月話月
通教通宗口談筆談眼聾耳塞觀其機智則匝地清
風三軍勇冠不圖打草且要驚蛇察其炤用則一聲
哮吼狐狸膽落覲面相呈無形無影至若獨泛孤舟
垂絲千尺遍遊江海擺撥鯨鯢是其氣魄也世法佛
法同見龍潭虎窟交參夢中拈棒智海埋人是其作
略也復爲贊白頭角完全不住行千山萬水覓知音
盲人不解尋消息都盧落塹深坑

嗣臨濟正法三十二世轍轍道人嚴大參題

瑤天慧日耀古輝今性地覺華香郊馥闡是以森羅

撰述

卷之四

象景白晝鳴雞粉碎虛空青天霹靂架鍊船於大海
 截斷紅塵飄玉浪於雄峰冲開碧落極底水清骨格
 還他故物無邊彩絢風流原是當家此惟季總禪師
 足以當之余每過慧燈禪院見師具大人相而爲說
 法一句當陽千峰落色機先者著劖聖攢着痛棒纔
 施血流遍地迥出毘盧之頂笑拈帝釋之華推倒南
 嶽峰吸盡龍池水驚起千年玄鶴斫卻青松踢翻萬
 頃白雲行來碧嶂振彩慶新羅俊鵠透網喜三聖金
 鱗跨神牛而坐斷十虛乘快風而游乎八極照若赤
 珠寶鏡鑑萬象以無私開如玉鎖金匙啓千門而洞

曉放出屠龍手擲下駭雞犀四海波平看萃鯨而吞
 吐九霄雲淨憑靈鳳以翱翔祇有恁般也大奇特天
 下太平余心暢快

松陵弟子葉紹顥榮談撰

自督飲光紹拈華之旨大鑑肇分葉之傳闡化多方
 宗風震播統惟貫一紀則逾千迨金粟老人重光祖
 席振起凌夷臨濟兒孫獨滿天下今我季總和尚南
 楚發祥衡巒間氣夙生根利葉願力弘決志捨塵壯
 年絕俗斬葛藤而誅棘莽游智刃以無毒抉羅網而
 破波濤示慧燈之普照始得省於南嶽繼嗣法於龍

60 1 2 3 4 5 6 7 8 9

10

80

1

2

3

4

5

6

7

8

9

池楚水吳山雲蹤始徧單瓢隻杖萍跡著奇凡所至
止之鄉靡不皈投恐後歲在甲午師開堂於吾蘇橫
塘慧燈禪院道風既被法雨同霑見者謂勝優曇爭
歎重來古佛傲民稽額外道傾心時節因緣迴超今
古覲面則機鋒峻捷豎拂則意句新玄痛棒橫施獨
軼千賢之隊眉毛揚起俯臨萬仞之岡洵哉盡大地
爲墨以虛空爲量不足喻法道之弘廣也丙申秋杪
師有事武林還訪輶轍嚴公於檇李機緣相契懇師
出稿付剞劂氏用廣流通予承師命佐董是役不揣
固陋僭引數言具眼難瞞恐徒爲眼中著屑也

重九後十日吳郡南山弟子張銖題於檇李寓齋
自初祖來震旦暢演拈舉之旨五傳至曹谿分二派
別五宗而臨濟見孫獨盛臨濟一十八世至笑嚴寶
寶傳幻有傳再傳天童悟悟傳今龍池萬老和尚爲
三十一世大闡宗風祖庭復振而大江以南踞猊座
唱道者得人稱最盛如季總禪師家世名族生長富
貴慧根猛利提起金剛王劍斬郤塵緣現真實相得
度始依南嶽山茨和尚有省七載後和尚不宋慕兩
浙三吳之道望次第參訖隨腰包躡屩到龍池入室
無虛日遂復印可而屋北鹿谿西雞又實證密授於

皮髓間矣卽今化行大江南北皆以本分接人拈提
向上侍者錄其語成帙余讀之知單傳直指婦絕枝
蔓大機大用當體全彰是真有得於語言文字之外
也而所謂大道不分男女相於茲益信棒頭有眼明
如日於師益親捧是錄者須向已船下追究勿在言
句上咬嚼方不幸負季總禪師

海陵鞠劬居士王相說謹撰

季總微禪師語錄目次

卷一

敘

請啟

上堂

小參

卷二

示衆

機緣

法語

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

行實

卷三

拈古

頌古

卷四

詩偈

讚

書問

雜著

佛事

衆護法請住蘇州慧燈禪院開堂啟

伏以寶地初成山靈拱翠刹幢旣建波色搖光楞伽
屏列畫天外震澤潮通聲不寂非繇人傑曷稱勝緣
恭惟

季總大和尚禹門嫡派金粟親孫衡嶽降禎湘源毓
秀履坤貞而輝分慧日躔婺野而祥覆慈雲悟圓澤
之三生身前身後豎天龍之一指非佛非心杖挑萬
里烟霞鉢臥千群龍象喝聾三日遂使汗滴曹谿燈
接五枝久已坐臨室壁錫飛江浙遏斷胥濤杯渡邗
溝敷芬瓊萼誠震旦國之香城而闇浮提之華雨也

某等身汎欲海識昧尸波借給孤祇園奉迎法駕掃
維摩丈室仰庇宗風栴檀片片皆香吹開濁劫楊柳
枝枝是露沛作津梁伏願卓彼法幢鋤茲福地一葦
爰止繙圓覺而妙義疏宣雙樹相依隨方響而微言
闡暢吐廣長舌標指見於西江明月發海潮音措安
流於古渡橫塘願叶人天望殷緇素臨楮無任翹切
瞻依之至

葉紹顥

張王治

王盛鴻

李模

周公軾

葉側

黃孔昭

金允治

朱鑑

陸世廉

姚宗典

沈文采

許元溥

姚宗昌

嚴祇敬

周起龍

李楷

周茂蘭

陸時登

陳元青

周茂藻

吳晉錫

徐樹丕

周茂萼

范周

黃自起

申緒芳

何兆清

陸壽名

何棟

司機青 許靜峰 吳文林

周公 胡日映 申誠芳

吳晉齡 錦樹玉 閩英華

劉朴登 刘元青 吳文林

張致諭 李子韜 吳文林

黃宗昌 黃井泉 吳文林

劉宗典 刘文采 吳文采

季總徹禪師語錄卷第一

侍者超祥記錄

住姑蘇慧燈禪院於順治甲午歲二月十六日進院
山門不得其門而入縱有瓊樓玉殿卻被一莖草蓋
卻苟得其門而入便能於一莖草上現出瓊樓玉殿
山僧到此爲諸人八字打開去也拽杖便入

佛殿挺若須彌淨若蓮重重相好露金仙知音不在
頻頻舉一段光明徹大千展具便拜

方丈據此室行此令橫按鎧鄒勦除凡聖縱使佛祖
到來也須乞命卓拄杖便起

撰述

卷之二

當日衆檀護恭請上堂拈疏云文光映斗展演佛祖
 靈機法轍揮空開豁人天正眼符到令行不煩宣舉
 陞座祝聖畢次拈香云此一瓣香當陽拈出爇向爐
 中供養現住禹門堂上本師萬如大和尚用酬法乳
 之恩上首白椎云法筵龍象衆當觀第一義師云親
 自禹門駕鍊舟姑蘇城外放金鈎半竿穿破平江月
 四海綈龍一釣收還有負命金鱗麼出衆相見問選
 佛場開心空及第人人鼻孔撩天個個腳跟著地選
 佛場開卽不問鼻孔撩天事若何師云穿郤了也進
 云腳跟着地又作麼生師云撞破玉樓鐘進云水歸

大海波濤靜雲到蒼梧氣象閒師云勅點飛龍馬跛
 簾出頭來問震法雷鳴法鼓請和尚現大人相而爲
 說法師云你還見麼如何是無人相師云桺色黃金
 嫩如何是無我相師云梨萼白雪香如何是無衆生
 相師云玉樓藏翡翠如何是無壽者相師云金殿鎖
 鴛鴦問答年給孤布金請佛說法今日衆檀那院請
 師登座未審是同是別師云多少人分疏不下進云
 卽今衆檀那與給孤長者還有優劣也無師云優則
 俱優劣則俱劣進云已剏慧燈成古刹祖印拈來付
 與誰師云普天匝地僧托開兩手云學人大開方便

洪武

卷一百一十五

門去也。師云腳跟下好與三十棒問鋼刀斬斷霹靂
 雄關時如何。師云逡巡有分進云六臂三頭擎日月
 徒承渠力耀乾坤。師云汝喫棒未得在進云清淨萬
 緣無罣礙虛空突出一蓬頭。師云眼華作麼。僧喝師
 云亂呴喚進云四衆殷勤同瞻仰一炷清香滿石樓。
 師云不易念得來乃云打殺南山虎驚飛北海龍。破
 砂盆斬新扶起吹毛劔特地拈來若是英靈漢子不
 消一拶直下承當活卓犖不受羅籠全彰妙用脫
 體無依到者裏直饒澄潭月影靜夜鐘聲隨扣擊以
 無虧觸波瀾而不散好與三十棒祇如山僧恁麼批

判且道明甚麼邊事還有人分析得出麼不見道劈
 開華嶽連天秀放出黃河六月冰卓拄杖一下上首
 白椎云諦觀法王法法王法如是下座

浴佛日檀護陳方山請上堂曾聞石女產麒麟添得
 娑孩氣象新金鎖玉關渾不住萬機頭上鼓烟塵當
 時盡道難相委今日方知不是心大衆且道不是那
 簇心卓拄杖云不得雲門施好手幾乎錯認定盤星
 下座

師誕辰請上堂妙性圓明絕覆藏普天匝地露堂堂
 人人盡有金剛眼指出庭前桂蕊香衆中有具金剛

洪武

卷之三

眼者請出相見問仙苑瑞觴春滿宴禪關紫氣瑞盈
 眇慧燈永永法王座雨露天邊沐好秋正與麼時未
 番和尚如何施設師云風行草偃進云自從認得曹
 溪路了知生死不相干師云也須照顧腳跟乃云但
 能頓歇馳求便領現前受用磨礱三尺劒待斬不平
 人縱橫在我殺活繇誰智照無私纖塵不立到者裏
 不妨虎口裏橫身一任驅耕奪食流聲名於萬世傳
 祖道於千秋立時俗之標格作法門之榜樣其或未
 然祇知事逐眼前過不覺老從頭上來

元旦上堂新年佛法起雷鳴闢草開荒萬物新不透

禹門三汲浪乾坤何處定煙塵拈拄杖云聊把扁舟
 清夜笛和烟吹出洞庭春下座

觀音誕上堂問觀音大士未降母胎向甚麼處安身
 師卓拄杖一下進云已入母胎爲甚卻藏頭露尾師
 云莫誘他好進云已出母胎作麼生施設師便打問
 一輪紅日現萬里絕纖塵時如何師云那裏學得者
 虛頭來僧達身一匝師云腳跟下不穩在進云踢着
 稱錘硬似鏡師云祇恐不是玉僧便喝師云再喝喝
 看僧展兩手師云果然弄虛頭乃云觀音菩薩未出
 母胎以楊柳枝穿郤大地衆生鼻孔將甘露水普潤

60 1 2 3 4 5 6 7 8 9 80 1 2 3 4 5 6 7 8 9 80 1 2 3 4 5 6 7 8 9

遍界靈苗已出母胎口吞日月眼蓋乾坤諸人還委悉也無慕拈拄杖卓一下云遮藏不得人人見萬紫千紅總是春下座

王舜符居士請上堂問大鵬一舉九萬里穿雲鵠子與天齊鳳凰不是凡間鳥爲瑞爲祥正此時爲瑞爲祥卽不問壽量彌天事若何師云月朗千峰秀風高萬壑鳴進云恁麼則雲中不睹雙鵬落箭過新羅十萬程師云不妨廻出一頭地問和尚壽誕卽不問未出母胎時在甚麼處安身立命師云高着眼始得問大洋海底起紅塵須彌山頂浪滔天師云那裏見得

僧擬議師云三十棒且待別時乃云故國清貧已有年白頭知命順生緣着毛仍在眼睛上鼻孔撩天不著穿昨夜山門騎露柱東西南北走不住不知何事太惄生盡被秋光牽引去惟有青青柏與松萬年千載色如是下座

慈雲禪人請上堂問弘開法席大闡宗風四衆雲臻高陞猊座如何是父母未生前一句師云八十翁翁輶繡毬進云碧桃已結千年外師云靈苗秀發別生芽進云恁麼則玉樹華開萬古春師云好箇消息居士問師五十以前事若何師卓拄杖云者箇是拄杖

撰述

卷之三

子進云五十以後又如何師復卓拄杖云者箇不喚作拄杖子進云正當今日華雨滿筵香雲盈座未審還有爲人處也無師云分身兩處看乃云乾坤盡是黃金國無限平人不肯休休擬議莫凝眸雲自高飛水自流要知一句難藏處黃鶴樓前鸚鵡洲下座

上堂生緣衡獄幾經秋坐斷孤峰天外游一句了然超百億饑餐渴飲更何求且道見個甚麼道理得恁麼自在盃孟口向天大蟲原是虎

上堂問覲面金鉅卽不問南山疊翠是如何師云石虎吽時山谷響鍊牛吼處木人驚進云恁麼則龍得

水時添意氣虎逢山勢長威獐師云賴遇闍黎證明問慧燈爍破千峰頂何處須彌作壽山師云孤迥迥峭巍巍乃云三藏靈文百千妙義盡底掀翻祇在諸人眉端上放光耀古騰今輝天鑑地此事且置祇如預布津梁一句作麼生道覺樹華開萬古春

上堂問慧日高懸千山竝秀滿目英賢誰是作者師云獨你是鈍漢進云師子窟中無異獸師云汝試跨跳看問大悲千手眼那個是正眼師云千聖覩不到進云通身全現摩尼寶徧界輝騰徧界香師云又恁麼去也乃云無尾大蟲難傍近近前便也傷人命除

60 1 2 3 4 5 6 7 8 9 10 1 2 3 4 5 6 7 8 9 80 1 2 3 4 5 6 7 8 9

撰述

非自解據虎頭自然頭正尾亦正黑漆盃孟添箇柄復舉陸亘大夫問南泉和尚曰學人餅中養一鵝鵝漸大出不得如今不得毀餅不得損鵝和尚作麼生得出泉喚大夫陸應諾泉云出也陸從此開悟師云陸大夫弄巧成拙若不是南泉未免餅破鵝飛自傷已命且道喚出後如何萬里鵬翔遠千年鶴共飛下座

師至太倉佛成道日衆檀請上堂問答日總持云如慶喜見阿閦佛一見更不再見且道與世尊睹明星悟道還有優劣也無師云龍眠自有衝天志進云當

陽一句無私語放出千年露地牛師云逢人切莫鎗舉問祖祖相傳卽不問燈燈續燄事如何師云金翅鳥王當宇宙箇中誰是出頭人進云蹋斷曹谿空劫外乾坤何處不稱尊師云你還未夢見在僧喝師便打乃云正覺山前明星現瑞輝騰今古積慶莽中衆目全彰爍破乾坤明明不覆藏歷歷無遮護抹去塹狐涎潑開凡聖路虎穴魔宮隨心瀟灑須彌大海任我翻騰如龍得水似虎踞山佛祖到來管教他無容身之地且道釋迦老子還有出頭分也無卓拄杖云枯木堂前休鎗過白雲堆裏好商量朔風連日通消

換通

息獨讓寒梅徧界香下座

師至盛澤圓明寺衆請上堂一點圓明萬古奇來登寶座顯全機風流徹底難教露未許通方作者知卓拄杖云還有作家戰將麼請出相見張休石問四衆咸臨人天普集圓明葛藤卽不問如何是意到句不到師云未到烏江畔知君不肯休如何是句到意不到師云若無舉鼎拔山力千里烏骓不易騎如何是意句俱到師打云正好喫棒如何是意句俱不到師云且起着毛須薦取三千里外有知音進云祖翁一片閒田地不是飽餐人不知師云好收原本契書著

張權始問如何是奪人不奪境師云一自當年折鳳凰至今兔雁兩茫茫如何是奪境不奪人師云雖然未得黃金印及第還他折桂郎如何是人境兩俱奪師云夜半曉星歸宿夢瀟湘夜雨斷愁腸如何是人境俱不奪師云摘詩漫寫圓明寺高挂雲帆遶像張乃云禹門堂上傳得盜囊圓明寺裏高提鋤斧頭頭玉振金聲處處龍飛鳳舞輒甚雪峰毬打甚禾山鼓葛藤千七俱拈郤明明一句超今古到者裏劈開潭底月流出少林髓大衆還見少林髓麼卓拄杖云倒卓橫拈無別路迅雷奔電絕諸譌下座

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

師至嘉興如如莽胡奉溪居士薦子請上堂卓拄杖
云當陽拈出活如龍探海拔山振祖風千衆臨筵齊
努目一靈超出杳無蹤大衆既是超出因甚又說杳
無蹤還有通方作者麼出衆繙索看問桂魄香飄秋
林葉落未審亡靈卽今在甚麼處師云四海浪平龍
睡穩九天雲淨鶴飛高僧喝師便打問如何是奪人
不奪境師云中庭地白樹棲鴉如何是奪境不奪人
師云冷露無聲濕桂華如何是人境俱奪師云今
夜月明人盡望如何是人境俱奪師云不知秋思落
誰家進云胡居士今日請和尚陞座薦亡還許亡靈

聽法也無師良久僧喝師打云正要汝疑著乃擊拄
杖云擊開枯木聽龍吟迸出髑髏雙眼睛行至烏道
玄關處大家繙索要分明乾坤宇宙眼中豎鏡壁銀
山眉上橫薦得亡靈真面目萬里秋江一月澂到者
裏極億劫之數量竭萬世之樞機出生死愛河脫輪
迴苦海且道亡靈畢竟往生何處舉拄杖云覩面相
承知落處亡靈端坐寶蓮臺復舉南雍軍提刑趙伯
肆居士寓綿江瑞峰院聞母訃音作種種功德復請
禪師建靈光道場一夕夢寐中見母告曰汝平生事
君忠事親孝我死後汝作佛事吾竝不知惟靈光法

撰述

卷一百一十五

事吾得領受今已得超生佛界特來報汝汝宜益尊
三寶不可怠慢言訖冉冉而去伯肆驚覺歡異是年
又集僧結制朝夕參請植此善因存亡獲福然畢竟
超脫一句作麼生道渠無生死可相求寶月激輝萬
古秋漢地楚天收不得南湖依舊水東流下座

師至國福禪林請上堂馮居士出衆一喝師便打進
云牛頭未見四祖時如何師云萬里青天一展眉見
後如何師云碧潭秋月映珊瑚見與未見時如何師
云疑殺汝士又喝師云亂喝作麼乃云臥雲深處不
朝天剖一微塵出大千師子吼斷黃金索象王耕破
劫初田當機會得真消息火內重開五葉蓮喫要與
秋風戰一場等閒直入空王殿且道空王殿作麼生
入顧左右云誰家竈裏無烟談

衆檀請就國福院開爐陞座爐轄鉗錘匝地開鍊壁
銀山打作堆大冶精金從此鍊脫皮換骨絕疑猜忽
然絕後再甦醒萬象森羅笑滿腮卓拄杖云且道笑
箇甚麼者回識得娘生面照來何須更戀胎祇如臨
濟道有一無位真人在汝諸人面門出入未證據者
看看蓦召大衆云如何是無位真人衆回首師云歸
堂去下座

高夫人設齋請上堂長連床上急思量日月如梭似
箭忙一氣不來渾似夢髑髏何處問西方可憐山色
身形大誰識谿聲舌相長鵠噪鴉鳴談妙法山門佛
殿放豪光機先薦得三遭棒臨濟宗風滿大唐休擬
議絕商量分分曉體要承當老姥一盞和籜飯到口
方知滋味長

解冬退院上堂問解開布岱結放出獨角牛請師拈
出一角牛師打云高著眼進云秦不收兮漢不管鼻
孔撩天不著穿師云信汝一半進云吽吽師云大奸
不著穿乃云慧刀截斷輪迴路智劍揮開生死門耳

見眼聞誰舉覺逆來順往總承恩大眾解制後還知
山僧去向麼卓拄杖云扁舟一葉過吳門腳跟會不
動埃塵拋綸擲釣非吾事舞棹呈橈我不能轉柁觸
翻千尺雪放篙撐破五湖水從教纜挂枯椿上恣與
虛空打葛藤葛以拄杖作圓相云除此現成公案外
別無一法繼傳燈下座

住昭陽普度莽脫塵土人同李夫人洎衆優婆夷等
請上堂拈香祝聖畢次拈云此一瓣香爇向爐中端
伸供養現住荆谿龍池堂上本師萬如大和尚用酬
法乳之恩歛衣就座上首白椎云法筵龍象衆當觀

[撰述]

[目錄附錄]

十一

第一義師云亘古稀奇事不窮斬新高唱禹門宗衡
 山機用同拈出一滴曹谿萬派通衆中還有唱和得
 者麼不妨出衆相見問慧劍劈開天地暗一輪明月
 眇虛空當陽法戰親臨駁猊座高陞是若何師云呆
 日當天進云未陞座已毒又作麼生師云疎風遍野
 進云學人禮拜去也師云許你伶俐問南嶽開華禹
 門結果未審和尚唱誰家曲師云一月映萬川進云
 怎麼則湖水連天碧薰風匝地香師云那裏得者消
 息來尼一喝師便打問高陞寶座牙爪全張獅子窟
 中狐踪淨埽未審承誰恩方師正身而坐進云龍得

水時增意氣虎逢山勢長威擗師云不勞讚歎問不
 是心不是佛不是物是箇甚麼師卓拄杖一下進云
 怎麼則七尺烏藤行活計一條白棒展全機師云如
 何是你底活計進云祇有天在上要無山與齊師云
 放汝三十棒乃豎拂子召大眾云會麼會則干戈永
 息天下太平不會徒向山僧口裏討鹽討醋山僧答
 年在南嶽刀耕火種時收得些榦柵今來普度莽中
 與汝等當陽拈過非圖續饌連煙且要大家知有遂
 舉七賢女遊屍陀林一女云屍在者裏人向甚麼處
 去一女云作麼作麼諸女一時契悟且道現毒大眾

與七賢女相去多少若向者裏連得便行不勞向外
馳求自然得大受用其或未然擊拂子云神威顯出
騰蛟鳳電眼揮來鎗過他上首白椎云諦觀法王法
法王法如是下座

上堂昨日晴今今日雨不知何處明心旨舉拂子云
卽此用離此用別無消息與君共三春芳草碧連天
應看龍吟霧起虎嘯風動雖然到者裏還有與山僧
相見者麼問答日圓悟禪師會下一夜悟十七八箇
人今日和尚者裏悟得幾箇師云祇你漆桶不快進
云獅子吼時芳草綠象王回顧落華紅師云賴汝記

得僧無語師便打乃云覩透毘盧頂門踢破當人草
鞞遊遍三千大千世界方好發出千鈞之弩軀透無
邊香水海一切衆生悉皆成佛且道成佛後又作麼
生一把柳絲收不得和烟搭上玉闌干下座

端午上堂圓明不動當處全彰妙體無私迥然獨露
大道祇在目前要且目前難覩了無所住無所從來
捲舒莫測收放自在直饒當下會得已涉言詮要若
遲疑何曾啓地直須透向上頂額據當陽捷徑始得
仗蒲劍斬千邪搖艾旗扣百福大衆作麼生是向上
頂額當陽捷徑左右顧視云看取自家鼻孔休沾雌

撰述

西游記言錄卷

黃氣息卓拄杖下座

上堂欲知佛性義當觀時節因緣山僧答住祝融峰頂提柄鉗斧未免灰頭土面今日杭州市上斬新拈出又復拖泥帶水大衆且道灰頭土面是拖泥帶水是驀拈拄杖卓一下云萬古碧潭空界月再三撈撢始應知下座

觀音成道日上堂問龍池一滴起根源南嶽家聲震大千師子座前重獻瑞圓通一句請師宣師云穿過觸體也不知進云如何是圓通體師云慈雲香散千峰雨如何是圓通用師云寶鐸聲傳萬里風進云恁麼則有意氣時添意氣不風流處也風流師云如何是汝風流處僧便喝師云好喝僧禮拜師便打乃云觀世音菩薩向山僧拄杖頭上來也大衆還見麼說盡無生般若談遍圓通妙義大衆還聞麼若也共見共聞則鐘鳴鼓響總皆入理之門柏短松長盡是真如境界大丈夫兒向者裏捏碎虛空騎聲益色孤峰頂上橫眠郤在十字街頭垂手十字街頭垂手原在孤峰頂上橫眠隨方應現觸處圓通雖然且圓通一句畢竟作麼生道卓拄杖云天共白雲曉水和明月流下座

標述
卷之三

沈夫人誕日請上堂冥通三界洞徹十虛兩益乾坤
包羅萬象道有則纖塵不立道無則遍周沙界擬心
奏泊白雲萬里著意馳求風塵匝地若也回光知落
處一輪明月正當天復舉吳山師子端禪師因尼來
參端以紅粉塗面尼輒驚悟師云大道從來本現成
何分女相與男形忼忼業識無時住滾滾塵緣不暫
停富貴功名風裏燭金銀田土日中冰須明覲體無
生忍雲在青天水在瓶葛召大眾云祝延一句又作
麼生委悉擊拂子玉芙蓉露滴筵鋪錦丹桂香飄地
布金下座

請上堂返照回光達本源玄機直透劫初前千尋海
底搖金錫萬仞峰頭駕鐵船木馬嘶時風匝地泥牛
吼處浪滔天箇中誠得無生句此土他方應有緣募
召大眾云答日玄期高公祖欽命監督楚簷七年愛
養士民惠政滂流建生祠於南嶽卽今碑文現載遺
像儼然山僧偶寓禾城敬承伊孫念祖居士請陞座
薦公不免舉則先祖因緣貴圖以楔出楔山僧先祖
幻臣劉公曾作蘇郡刺史詢訪知識參箇無位真人
話有省年九十歲一日忽云高工部進衙時吾示寂
矣壬辰冬月公聞銳聲便坐脫大眾且道先祖劉公

與玄期高公還有同別也無若道是同天地懸隔若是別去來靡間於此若明許伊具一隻眼於此不明亦許伊具一隻眼明與不明且置祇今高氏先靈與劉公託生何處喝一喝云一人越聖明心地九代先宗樂性天者顆寶珠何處是南湖湘水月娟娟下座

師至當湖善護菴一音禪師同衆檀護請上堂當湖善護別人問八面玲瓏著眼看凡鳥等閒難泊近玉簫品出舞祥鸞還有出自丹穴者麼試出來鼓翅看問敲石燒丹一老頰等閒拾得火中蓮特祈和尚通

消息要使人人達本源師云三十棒寄打汝師進云同道方知師云胡人飲乳反怪良醫問古德不出方丈如何莊上喫油糍師云多少人摸索不著進云侍者方出門忽見莊主又作麼生師云好箇消息進云水晶簾動微風起滿架薔薇一院香師云有甚麼交涉問興化打維那意旨如何師云瞎郤人眼睛進云次日罰饋飯出堂又作麼生師云毒箭猶輕後箭深士禮拜師云逢人切莫鎗舉乃云秋露垂秋風吹秋雲冉冉秋草離離月落寒潭靜山空木葉飛吾無隱乎爾通方作者知大眾還知麼若也知得推倒報本

壠椎碎弄珠樓一任橫行海內獨步大千其或未然
既上着毛劒去久矣卓拄杖下座

善護禪院一公院主同諸護法紳衿請就院開爐上
堂問鑪鞠已就四衆雲臻和尚作麼生煅煉師打云
一棒一條痕進云棒頭點出金剛眼大千沙界盡沾
恩師云不勞讚歎問當湖震布今日乍開未審垂何
方便師云放汝三十棒進云答日世尊今朝和尚師
云那裏見得進云天晴日出雨下地濕師云莫被他
換郤眼睛問掀天揭地逞風流大道無分男女儔白
璧定從山上採赤珠端向海中求今日和尚大冶洪

開煅煉凡聖未審何人搬柴何人運炭師云無眼耳
鼻舌身意者進云恁麼則打鼓弄琵琶相逢一會家
祇如不受爐錘底來和尚作麼生下手師便打問新
開爐鞠卽不問舊日乾坤事若何師云風不來樹不
動進云好鳥枝頭叫小春師云斷頭船子下楊州進
云舊日乾坤應自在新開爐鞠事如何師打云也少
者一錘不得進云龍袖拂開全體現象王行處絕孤
蹤便歸衆師云雲綻不須藏九尾乃云爐鞠通紅瓶
盤釵釧鎔爲一金鉗錘妙密大小偏圓打成一片人
人塵淨光生箇箇魂消膽落等閒舒一指獨瞎達磨

撰述

五經真言錄

眼睛舉一步踢碎釋迦腦蓋有時拈一莖草作丈六
金身千聖躋攀無路有時將丈六金身作一莖草萬
靈景仰無門我爲法王於法自在大衆且道具甚麼
神通得恁麼穩便驕拈拄杖卓一下云竿木隨身行
宇宙逢場作戲自超羣

解制上堂問古人云東去西去直須向萬里無寸草
處去祇如萬里無寸草還有爲人處也無師云正好
喫棒進云洎不問過師云親言出親口進云與麼則
人人聳息師云立定腳跟好進云等閒垂一釣驚動
碧波鱗師云離鈎三寸道取一句來士彈指一下師
云一釣便上問和尚今日上堂也是無風起浪某甲
到此已是拖泥帶水出格一句請師道取師便打士
翻觔斗而出師云弄精魂漢乃云全提正令入摩竭
大地晉毛共撕結等閒便度九十朝冰壺已泮春風
發鍊壁銀山俱靠倒笑殺銅頭與鍊額波斯攬得海
嶽渾金毛獅子走深澤神駒萬里謾追風眨得眼來
天地隔以拂子打○○云一處最親千機莫測衆禪
客瞽不瞽處處綠楊春正好自是不歸歸便得

撰述

高僧傳記卷一

金言不審以實錄於五代日長不識其人
身故謂已歿于日本之元和五年賀羅賈王
贊諾金手拂子去日本國萬里歸皇朝
安樂寺造靈山塔塔碑文云大悲願度
大悲普濟其渺茫於日本國三十時未盡日光春風
拂氣半面由頭長年靜取真言云全點五個人
降凡曰是時天帝奉水出於一色浦神童又稱
云子雲與土龍吟詠當今日上堂也是無量殊妙其甘

小參

觀音成道日陳方三沈念溪爲子姓起名請小參問
觀音現瑞耀騰今古出格英靈全提正令未審是神
通妙用法爾如然師云汝試卜度看乃云觀音妙智
力能救世間苦等閒運神通接引無窮極召大衆云
還見麼頭頭普現華藏莊嚴處處全彰圓通境界若
見得轉凡成聖轉苦爲樂轉天爲壽其或未然山僧
不憎看毛爲汝頌出普陀山卉獨露身炎蒸此日道
初成百千諸佛同饒舌覲面相逢不費尋且道觀音
菩薩卽今說甚麼法卓拄杖云華含無量摩尼聚風

勸常宣妙法音

中元請小參問慎終追遠卽不問超昇一句事如何
 師云微雨灑花千滴淚淡煙籠竹一堆愁乃云從門
 入者不是家珍自己胸中流出方始益天益地舉頭
 天外看誰是箇般人若果是其人管教一拶百雜碎
 埽蕩聖凡窠窟滅卻正法眼藏以地獄作天堂轉煩
 憊爲智慧打破涅槃城踢翻解脫道橫行湖海獨步
 大方不是神通妙用亦非法爾如然驕拈拄杖卓一
 下云但能當下空諸有共轉如來正法輪

除夕小參一年三百六十日看看忙到今宵畢不愁

生死祇愁貧業障重重心上結幽途輪轉幾時休一
 味昏迷循舊轍勸君努力脫塵埃免使今生和本折
 凡聖等倫元不殊貴在當人直下瞥莫待無常殺鬼
 臨再出頭來甚時節

中元小參踢破玄關透鐵圍懸崖撒手便知歸性天
 朗耀頭頭鑑心月圓明處處輝差別路中須踴過涅
 槃城裏已忘機箇中何處著生死說甚輪迴是與非
 召大衆云微上座恁麼告報設有旁不甘者出來道
 其如地獄未空何果然癡人面毒不可說夢

除夕小參禪貴通正脈莫向外邊涉獵縱饒得些

撰述

卷之二

玄解也是眼中金屑說甚西來大意未免平地喫跌
 自已一箇鼻孔有氣教誰出洩觸處昭然獨露擬議
 早已隔絕善惡都莫思量脫體迥然超越靈機自覺
 無多功力不久不徹莫把自己家珍翻比外來瓦礫
 現成一段風光愚人妄自扭捏倒樹須要搜根少去
 尋枝摘葉得路便爾歸家更無別傳秘訣會則途中
 受用不會沉淪永劫驕以拄杖打圓相云若向者裏
 透過方得大休大歇大衆還有透得過者麼一年將
 盡夜萬里未歸客

季總徹禪師語錄卷第一

終

季總徹禪師語錄卷第二

侍者超祥記錄

示衆

立秋日示衆梧桐一葉下雕闌剔起眉毛仔細看赤
 手承當無欠剩頭頭顯露祖師關且如何是祖師關
 擊拂子云一擊當陽成粉碎越水吳山一色寒
 示衆山僧許久屏郤咽喉唇舌一任諸人鑽龜打瓦
 何故心不負人面無慚色今日無端被諸人推到者
 牀子上要求開示教我說箇甚麼卽得雖然事無一
 向不見道天地與我同根萬物與我一體耐耐百姓

拔迹

三才圖會

日用而不知且道過在甚麼處大衆道本無壅人心
自昧昭昭於心目之間而取之弗及晃晃於色塵之
內而捨之弗得愈隱愈露轉動轉寂光明烜赫迴脫
情塵絲豪瞥起天地懸隔豎起拂子云還會麼若向
者裏會得徹證無生法忍不妨睡正穩一任日輪高
示衆師卓拄杖云足解履手解執耳聞聲目見色寒
著衣饑進食豈是粧成皆同本得不間絲豪動念卽
隔所以道谿澗不改舊時聲黃華翠竹常年色足下
宣有餘塵目毒原無外物獨步毘盧頂上全披古佛
肝膈問諸人瞥不瞥直饒見得木馬嘶風泥牛吼月

檢點將來也是空裏浮華眼中金屑

示衆生死海無邊當人自利涉欲識佛性義須知箇
時節寒則普天普地寒熱則普天普地熱拈起慧劍
兮劈破塵網提來鉗斧兮研開鍊壁千賢萬聖冤無
蹤五眼六通皆罔測微見萬象森羅法法何曾是實
不妨任意逍遙縱橫了無礙塞其或未然更聽一偈
一年秋又一年秋眨眼俄驚雪滿頭道業未成何所
賴人身一失實堪愁兩輪日月穿梭過三界輪迴若
輾轉可嘆世間癡種子今生錯過悔何求

示衆若論宗門一事別無奇特所貴發勇猛心著堅

固力痛念無常參明大事自然摸著諸佛鼻孔透過
祖師關捩不到大休歇田地不肅息肩停轍方有少
分相應無奈佛法哀微人心下劣罔知已靈不存正
念此皆邪毒入心淺根薄福之流汝等諸人各宜精
進將話頭如一座須彌山頓在面前恆閒動靜觸不
散蕩不開綿綿密密不斷不續參來參去鏤壁銀山
自然曠地不可坐在無事甲裏古人云莫止忘形與
息心此箇難醫病最深直須提起吹毛利要剖西來
第一義瞪開眼兮剔起睂反覆看渠渠是誰若人靜
坐不用功何年及第悟心空此皆藥石之言切須記

取

中秋示衆颯颯西風落葉輕飄香丹桂發疎林世人
盡愛中秋月驀豎拂子云未審誰能悟此心大衆祇
如古人道不是心不是佛不是物且道畢竟是箇甚
麼良久云着毛剔起看方便月在青天水在瓶

示衆既爲僧須自勵收檢身心成法器學道真誠入
聖流生死海中期汝濟苟圖衣食逞閒遊浪蕩隨緣
生邪計不若居家作俗人免他神算并人議空門物
施主財爲崇道業施將來未了復身還信施何能越
得馬驥胎近賢智遠庸鄙善念日增惡日止豪釐繫

念成業因三塗苦報從茲起心地不明誓不休應期
妙悟超凡類參隨一似活死人方得心空出三際若
還不信我語言間老無情君莫怪

示衆學有內外事有緩急究宗達本曰內世諦學解
曰外外所以當緩內所以當急急而行之於內則有
證悟之實緩則置之於外則無岐路之迷今之學者
不然醉詩文於莫返耽技藝而不回應赴爲終身之
業習誦爲名利之資甚之則又有流於不可言者嗚
呼學不究竟非學也僧不至道非僧也但有五德之
名徒具六和之相益已之功既缺利人之德全虧辱

此圓頂玷污方袍不識自心之何似焉知祖道之嘉
模豈只幸負聖化抑且埋沒已靈旣昧正因之路空
招來世之愆況無常苦逼時不待人祇恐名利未遂
而身先盡學問未通而命已亾費盡百端心力忽然
一旦俱空良可悲夫故須篤志離舊刻期證悟梵行
惟繫道業惟精庶不爲生死魔軍之所管轄也苟不
孜孜實學兀兀真參則無常卒至何以支撑後悔莫
及請熟思之

臘八示衆豎拂子召大衆云古今風月常然遐邇雲
山鎮靜鶴噪鴉鳴鳥飛兔走雲開峰頂月波湛水中

天便好端拱無爲坐致太平塋老謳謌帝力何有。回
怪黃面老子說甚睹星悟道大驚小怪將謂有多少
奇特依然祇道得箇一切衆生皆有如來智慧德相
但以妄想執著不能證得震威一喝云當時若得者
一喝管教他四十九年口似扁擔然雖如是出頭天
外看誰是箇般人

歲朝示衆爆飛千尺燄嚮過萬重雲一氣洪鈞轉梅
萼幾點春新年頭佛法早已露布了也大衆古人道
但得雪消去自然春到來且道雪向甚處去春從甚
處來孰樞紐是孰橐籥是若向者裏著得隻眼不妨

龍吟霧起虎嘯風生牢籠不肯住呼喚不回頭寒灰
裏也須發燄枯木上直教生孽其或未然捲看新曆
日鎔過舊時人

元宵示衆十五日已前露在燈籠盡說禪十五日已
後土塊石頭皆跨跳正當十五日無位真人赤骨律
十聖三賢總不知笑倒東鄰李八伯且道無位真人
畢竟面目何似良久云燈燈影現無回互覩面相逢
豈識渠

示衆一九禪期眨眼間堂中禪客夢猶酣朔風凜凜
通消息具足現身不用參離卻髑髏別處覓驢年終

撰述

卷之二

三

是受願預大衆且道如何是具足現海底衆無語卓
拄杖云擬議直教心膽寒倚天長劍逼人寒

示衆世界虛空總一體羣靈萬象悉同宗此非耳目
所能到心識忘時道自通大衆且道主山高案山低
鶴脰長鳬脰短作麼生得同宗共體去良久云一氣
不言含有象萬靈何處謝無私喝一喝

示衆氣轉洪鈞陽回大地冰河發燄枯木生輝墮鳥
謳謌山華含笑正所謂般若法身頭頭顯現真如佛
性處處昭彰果然直下承當便可超凡入聖其或未
然不是一番寒徹骨爭得梅華撲鼻香

新戒求開示卓拄杖云一法若有毘盧墮在凡夫萬
法若無普賢失其境界於此明得虛行者高沙彌揚
眉有分其或未然莫怪山僧葛藤驕召大衆云會麼
參禪不持戒縱使廣智多聞未免被八風所動五欲
所牽何能超出三界證大涅槃故經云聰明不能敵
業乾慧豈免輪迴受戒不參禪假饒六度齊脩萬行
俱備報感人天終須墮落當斯季運之時佛法澆漓
人心淡薄在家出家罕有發淨信者間亦有之旋見
退墮或值善知識開示勸令受戒參禪脩因布福便
百計推辭設若生死無常到來你還推辭得麼若推

辭不得將此深心奉塵刹是則名爲報佛恩更聽一偈一點圓明處處同包含法界等虛空棒頭可使三關透喝下能令五教通東澗水流西澗水南山燄起北山紅千江萬派無差別盡入如來性海中

元宵示衆銀華徹夜爆竹驚天眨上眉毛程途萬千惟此一事實乞我一文錢踢翻水底月迸出火中蓮燈月交輝牽堦興竿木隨身入市廝

端午示衆今日五月五龍舟江上舞旗幡前夜風聲振去年鼓時節不相饒光陰不我與未明心地人須念生死苦緊緊握蒲劍挺挺騎艾虎勦六賊巢穴息

三塗酸楚漫然不施功茫茫三界旅譬如際中塵擾擾誰爲主就陰息紛紜如繫駒伏鼠未滅眼中翳空蕪將復翥狂心不暫歇歇卽止息所間爾趨寂然郤攀而得僂不識常住心一邊墮見取於斯二無礙澤雉出藩宇十步一啄食百步一飲渚頡頏天地間無喜亦無怒爾我林下人有志超佛祖嘵飯了打眠世事不聞睹無在無不在七徵自規矩無還無不還八辨自盲瞽合覺被覺瞞背塵爲塵圍唯有月真瞿曇未相許奪郤善財藥截斷文殊語此箇九還丹能瘳諸毒蠱吞郤如砒霜吐郤成蜜乳拚得窮性命佛

機連

卷一百一十五

祖不如汝於此遽然醒呆日正當午於此若不醒錦
鱗臥網罟鳶拈拄杖卓一卓云謹白參玄人急急如
律呂下座

示衆新秧襯白鷺嫩柳啼黃鶯處處揚真諦於何逐
色聲所以道卽此見聞非見聞無餘聲色可呈君箇
中若了無他事體用何妨分不分大衆見聞歷然因
甚道非見聞聲色宛爾因甚道無聲色於此明得隙
雲橫海上拔劍攬龍門於此不明打破六門關顯出
毘盧印且六門關作麼生打得破去良久云一氣不
言含有象萬靈何處謝無私卓拄杖下座

機緣

僧參問和尚那裏來師云要知山僧來處先喫三十
拄杖僧便喝師便打

雪中僧至師問南嶽峰頭雪擁三際姑蘇城裏行人
絕蹤正恁麼時撥轉乾坤與我通箇消息僧云萬里
長空一朝風月師云未在要道僧擬議師喝出
葉季若居士問巴陵三轉語和尚作麼生會師和聲
便喝士云如何是提婆宗陵云銀盃裏盛雪意旨如
何師云來說是非者便是是非人士云如何是吹毛
劖陵云珊瑚枝枝擰著月又作麼生師云非公境界

十三云祖意教意是同是別陵云雞寒上樹鴨寒下水
又且如何師云也祇道得一半士云那一半請師不
恪師云任從滄海變終不爲君通士云和尚莫是未
山再來師云又被風吹別調中

問離心意識參出聖凡路學未審如何下手師打云
向者裏會取

問明心見性時如何師云正好喫棒

無心道者呈偈有獨露孤峰頂上月之句師云卽今
月在甚處者拍香几師云者箇是檯子者云和尚莫
謾某甲師云保福道底者擬議師喝出

師茶次舉杯問高稟旃夫人云不觸不背喚作甚麼
云自古重陽九月九師云放汝三十棒

居士參師問尊年多少士云與和尚同年師云你道
山僧年多少士云與某甲同年師云得恁麼顛倒士
無語師云掠虛漢

問第一句薦得堪與佛祖爲師如何是第一句師云
佛祖蹲何處第二句薦得堪與人天爲師如何事第
二句師云猛虎當途踞第三句薦得自救不了如何
是第三句師云送君退步便還家他日相逢不相顧
問如何是函蓋乾坤句師放下拂子如何是截斷衆

流句師拈起拂子如何是隨波逐浪句師云者箇因
以貞道者參呈偈云堪笑從前枉用工離波覓水苦
無窮如今親見當人面華在舊時紅處紅師云如何
是汝當人面貞云和尚喫飯也未師云與汝甚交涉
貞云分別不少師云囫圠吞箇棗貞無語師便掌次
日呈南泉云不是頑師接得問云是箇甚麼貞云昨
日被掌至今背脊猶疼師云死了燒了又作麼生貞
擬對師便喝復示頌云覓心不得誰爲佛觀佛無蹤
誰是心去此二途能見徹兩看依舊可憐生

問有時一喝如金剛王寶劍如何是金剛王寶劍師
云殺活不知何太險請君莫犯上頭鋒有時一喝如
踞地獅子如何是踞地獅子師云突出巖前風凜冽
野干何處匿形踪有時一喝如探竿影草如何是探
竿影草師云釣絲千尺垂江海浮定金鱗有與無有
時一喝不作一喝用如何是一喝不作一喝用師云
至化難逃天子令九韶齊奏六宮還

優婆夷參師問參甚麼話頭婆云萬法歸一師云一
歸何處婆拜下捏師足一下師云學來底婆云和尚
莫壓良爲賤師指淨餅云因甚喚作淨餅婆擬議師

打出

問德山上堂巖頭云且喜老漢會末後句如何是末後句師云不辭向你道恐你逢人亂說僧云某甲不說請和尚道師云罕逢穿耳客多見刻舟人

問如何是奪人不奪境師云松下雙扉冷不扃一龕金像照清燈如何是奪境不奪人師云眠雲埜鹿驚殘夢落澗瀨猿墜折藤如何是人境兩俱奪師云庭卉樹色秋來減檻外泉聲久不聞如何是人境俱不奪師云吾今獨坐磐陀石午夜無雲月一天

儒者見師問云大師曾習儒業否師云四海五湖王

化裏大都繙梁要分明云畢竟還尊釋門師云千峰勢到嶽邊止萬派聲歸海上消云道教中如何師云一自黃龍勘破後誰能不煉汞中金儒作禮而去問青州布衫重七斤意旨如何師云多少人提揭不起僧云提不起時如何師云至今混入在塵埃復示頌云金針玉綫縫難就密密鋼刀剪不開千手大悲提不起至今混入在塵埃

問如何是賓中賓師云狹路相逢無迴避到門且喫趙州茶如何是賓中主師云山色谿光明祖意烏曉華笑悟真機如何是主中賓師云雪覆萬峰晴月夜

暗香浮出嶺南梅如何是王中主師云軒轅寶鏡當臺照任是蚩尤也斷魂賓王已蒙師指示臨濟宗案事若何師云攬亂乾坤成至化未容擬議斬全身云真善知識師云識甚好惡

問答日僧問趙州親見南泉是否云鎮州出大蘿蔔頭意旨如何師云情知你吞吐不下

問金牛每至食時昇飯桶作舞大笑云菩薩子喫飯來意旨如何師云不是飽餐人不知僧後問長慶慶云大似因齊慶讚又問大光未審因齊慶讚意旨如何光作舞僧禮拜光云你作麼生會僧亦作舞光云

墮狐精此意如何師云字經三寫烏焉成馬

僧參師問住何寺僧云白雲菴師云雲根後菴在甚麼處僧擬議師掌云打墮裡漢

二居士參師問一士云什麼物恁麼來士無語師云山僧罪過一士云路逢劔客須呈劔師云試借劔看士達禪牀師劈脊便打士擬進語師又打士禮拜師云一對無孔鍊錘

軟轆道人偕徐敬可居士過訪道人指士云此位徧參知識底師云參底事作麼生士無語師云將謂將謂士云嚴道人塗汙人師云他已沒量罪過

撰述

卷之三

三

法語

示葉季若居士祖師門下直捷單提貴乎全身擔荷
 稍涉遲疑便不堪了也不見陸亘問南泉龐蘊參馬
 祖一撥便轉何等痛快何等直捷彼旣丈夫我亦爾
 登肩讓伊獨賢哉頂承老護法不忘靈山付囑光顧
 法席一接見間便知根器不凡靈骨夙具然身居富
 貴宿習偏深雖有金剛種子莫不爲之汨沒矣但當
 全身靠倒不顧危亡挺身直入忽然因地一聲乃知
 從苅作用總是無礙法門不惟勘破龐蘊諸老直饒
 歷代祖師天下老和尚齊立下風有分

示申漢培居士居士夙具般若深智早年知有此事
然不得實受用者患在聰明太過於古宿機語上得
些理路便爲了當然不知縱有入處不過途路之樂
耳要須懸崖撒手一回方始受用得古人言句著如
來偈云卽今認取主人翁山埜不覺失笑何故不見
道認著依然還不是況以生滅心測度如來無上知
見唐喪光陰無益有害古人云毫釐有差天地懸隔
直須猛著精神透出重關始得

示函益禪人師家垂手如石火電光眨上眉毛白雲
萬里直須坐斷十方橫身宇宙眼益乾坤口吞佛祖

冰凌上走馬劖刃上橫身一機一語如珠走盤納須
彌於芥孔擲大千於方外縱橫在我殺活謬誰應須
如是始有衲僧氣槩若祇逡巡巡漏漏涓涓依稀
光影有甚了期山埜恁般語話太煞和盤托出且道
托出箇甚麼卓筆云分明記取

示高秉旃夫人入海不避蛟龍信利在江海也入山
不懼虎兕信利在山陵也世諦且爾况學道乎然學
道參禪豈有他術邪不過穩辨一信字耳華嚴經云
信是道元功德毋信能必到如來地古德云欲超生
死必須妙悟妙悟匪他惟自信耳盍生死如雪妙悟

如日日出而雪自消無明是暗妙悟是明明來則暗
自謙以此觀之非信無繇悟入非信安能久固今道
人既具信根但當發勇猛心著精進力譬如遠客還
故鄉久久行去自然到家不見昔日世尊棄王宮入
雪山六年參究一朝睹星忽大悟云奇哉一切衆生
皆具如來智慧德相皆因妄想執著不能證得道人
向者裏一覶便透不妨與世尊同一受用苟或不然
二六時中切莫放過

示錢叔嘉夫人我祖師門下無一法與人不過教人
信取日毒自己而已道人既見山僧掛箇遇佛牌便
好單刀直入掇取魏科自知着毛橫眼上鼻孔大頭
垂佛語祖言豈得已哉若稍畱欣厭便成大病所謂
不離幻妄而證真常者良可味也

示冰繼二禪人此事如青天白日無絲毫障礙直下
了得便平貼貼地古人云道箇覲體現成早是埋沒
汝了也明心見性早是委曲汝了也立地成佛早是
鈍置汝了也若向佛祖未局已毒薦得猶是鈍漢那
堪向他屎橛子上橫咬豎嚼有甚交涉所以道祇爲
分明極翻令所得遲所以垂一言半句止要截斷人
心意識搜空人生死窟使他懸崖撒手脫體無依今

時人生死心不切世情事太契動輒心意識先行自作障難愛有理路處入有義味處鑽殊不知理路義味上博量得來暫時途路之樂轉眼卽沒交涉况明眼人菴祇博一笑今與汝道大事未明必須猛著精彩將本參詰拌命提撕功積力久時節若至其理自彰腳跟頓斷紅絲綬舌上潛消十字文翻身一腳倒跨三腳驢子向舜若多神鼻孔內眼睛裏橫出豎入管教得大自在堂不慶快平生乎勉旃勉

示如心如性二禪人欲脫生死當求妙悟欲小妙悟必須參究提起疑情念念無間自有豁然時節若執

坐以爲工夫何異守株待兔是以古人有打車打牛之詰坐佛殺佛之呵黑山鬼窟之責生坐死以之譏故知行住坐臥動止忙閒皆可做工夫但坐中歛念易得寧靜伏禪亦非歛念取靜參得故曰欲識佛性義諸法從緣生若能對境無心雖終日擾擾何曾動著一絲毫故無事於心則智顯無心於事則理明理真益以境之通塞繇心之迷悟何與於物哉龐公云難難難十石油麻樹上攤龐婆云易易易百草頭邊祖師意靈照云也不難也不易餓來喫飯困來睡汝

60 1 2 3 4 5 6 7 8 9

10

80

1

2

3

4

5

6

7

8

9

等看他三人有甚奇特處不妨試簡點看若簡點得出到方丈裏與山僧通箇消息

示黃君略夫人脩行學道皆有悟門不可盲修瞎學虛衷天日必欲明此無上妙道也須具大信心發大勇猛立大志願把生死二字貼在額頭上不得向意根下卜度單提一句無意味話真參實究參來參去參到百尺竿頭無進步處不顧危亡拚命一拶直得虛空粉碎大地平沉便見盡十方世界是自己全身自己全身是十方世界庭前柏樹子麻三斤札矢橛青州布衫鎮州蘿葛乃至千七百則一串穿卻雖然

到者裏始好哭山僧痛棒在其或未然有寒暑兮促君壽有鬼神兮妒君福

示項翰林夫人禪學者悟門也非四禪八定五度九次之別惟洞明心性了脫生死得大自在者之門徑也古人云我此門中不論禪定解脫祇圖見性又云參禪須求妙悟若不妙悟無由出離生死大海今時道流謬以口耳哄弄閨閣不求妙悟而脫生死祇益滑稽謗大般若以致埋沒已靈辜負先聖可不哀邪汝旣皈依山僧希求大道急將明昧兩岐與我一時坐斷單提一箇話頭直下不起二念猛著精神一蹋

到底千聖齊立下風萬靈咸希至化豈不慶快生平也哉嗟乎驢鞍橋本非阿爺下領水泡沫豈是輪王頂髻參須真參悟要實悟至發明後更能操守保護乃爲道器

示張黃甫徐仰齋二居士山河大地明暗色空日月星辰森羅萬象迷者認爲外物悟者消歸自己一切時中若能無事於心無心於事自外物我一如隨處自在不見僧問風穴語默涉離微如何通不犯穴云常憶江南三月裏鷗鴟啼處百華香居士苦向者裏開得隻眼不但世法佛法一念圓融卽風穴老子亦

一時收下到者裏山河大地明暗色空日月星辰森羅萬象向甚麼處著居士試道道看

示葉翠旛居士常住真心覲體全彰凝思卽鎔動念卽乖十方三世了無差別知此者謂之大智行此者謂之大行示此者謂之大慈廣此者謂之大悲百千三昧皆由此出奈何衆生迷此蔽慧目於欲海埋智劍於塵封處處貪著頭頭滯礙豈知水月鏡像而無體空華陽燄以非真莫道凡情不可執直饒聖號亦是假居士但當掀翻窠臼撒手承當直登解脫之場大播廣長之舌攬長河爲酥酪變大地作黃金始不

負山僧之厚望也勉之

示鎮江賀夫人寶劍眉間挂摩尼掌上陳玻璃拈起處栗棘一時吞會得箇中意日午打三更一椎獨瞎摩醯眼鼻孔依然搭上唇參

示超震禪人雲收雨過氣肅天高須彌益北斗日月杖頭挑不是摘蘆江上客千山萬水路迢迢踢翻福建飛鳶嶺蹋斷天台滑石橋有意氣時添意氣不逍遙處也逍遙

示張超霞道人鶯老華殘春已去風清竹翠夏還來一輪寶鑑當空照萬里長空絕點埃正與麼時打失

香嚴鼻孔刺瞎靈雲眼睛且道着毛還有罪過也無幾度黑風翻大海未曾聞著釣舟傾

示王士英夫人怡閒靜閑之中密密提撕本參不可絲豪間斷日久時至工夫自然成片蓦頭打破疑團便見世尊拈華迦葉微笑是甚麼宛脫丘然雖如是且道千七百則畢竟明得甚麼邊事千峰勢到獄邊止萬派聲歸海上消

示湛水道人初參人祇貴死盡偷心參箇話頭如銅牆鐵壁要鑽鑽不透相似日用中如貓捕鼠如雞抱卵工夫自行逼拶一拶拶到結角羅紋處忽得因地

一聲方與此事相應若初參人便有許多哆哆喃喃底說話於自己分中有何所益徒障悟門爲害不少如來偈本有光明云云且問你底光明在甚麼處那箇是你大廳堂莫道道不得直饒道得一句正是頭上安頭不見僧問趙州狗子有佛性也無州云無你看者無字上著得你底光明麼著得你底大廳堂麼何不朝朝暮暮如透銅牆鍊壁去如貓捕鼠去如雞抱卵去一朝山門荅佛殿後撞破露柱也不知

示沈夫人橫按鎮鄒山河大地風颯颯單提正令魔軍外道絕行蹤衝開萬里青霄椎碎銀山鍊壁處處

盡彰華藏界頭頭獨露法王身無邊福智莊嚴萬億神通顯現於此薦得不假外求原是本有其或未然要爲你葛藤一上不見舍利弗入城見月上女出城舍利弗問云大姊何處去女云如舍利弗與麼去舍利弗云我方入城汝方出城何得言如我與麼去女云諸佛弟子皆依大涅槃而住是否舍利弗云是女云諸佛弟子旣依大涅槃而住而我亦如舍利弗與麼去於斯明得埋沒已靈於斯不明幸負先聖且道畢竟如何雲在嶺頭閒不徹水流澗底大忪生
示明心明性二道者答曰維摩室有散花天女機辨

縱橫得大無礙舍利弗問何不轉郤女身天女云我從十二年來求女人相了不可得當何所轉須臾間天女忽變作舍利弗以舍利弗變作天女郤問舍利弗何不轉郤女身舍利弗云我今不知此身當何所轉須臾天女運大神力彼此轉變還復如故爲是神通妙用爲是法爾如然於此若明回天關轉地軸促無量劫爲一日延一日作無量劫男子身中從定入女子身中從定出女子身中從定入男子身中從定出非同非異無自無他其或未然一把柳絲收不得和烟搭上玉闌干咄

示超禪超聖舉七賢女玩賞春一女云我與姊同游屍陀林諸姊云屍陀林皆是死屍臭穢有何可觀一女云汝但同游中間自有奇特到彼見諸死屍一女云屍在這裏人在甚麼處一女云作麼作麼諸姊諦觀悉皆悟道感天帝釋散花供養女曰空中散華者何人答云某天帝釋見諸姊悟道特來散華供養凡諸姊所需我皆供給姊曰我家四事七珍悉皆具足惟愛三般物一要無根樹子一株二要無陰陽地一片三要叶不響山谷一所帝釋云一切珍寶我皆有之此三般物而我實無女喚云帝釋帝釋應諾女云

撰述

卷之三

汝道無是甚麼帝釋遂隱去師云水底木人吹鐵笛
雲邊石女織金梭三般物是祖翁物何必忙忙賤賣
他雖然如是且道畢竟歸于何處一月影臨千澗水
片雲風度萬重山

示歸望之居士望之卽見覓之無形擬進無路欲退
無門搓不成團劈破渾圓喫爲甚如此色色原非色
聲聲不是聲五蘊山頭曉四大總皆真自是不歸歸
便得五湖四海任橫行咄叟須透過者重關始得

行實

師住朝陽普度菴王試玉王士英居士同本菴大眾
等禮懇師說行實師固辭請之再四乃就方丈據座
云靈龜無卦兆空殼不勞鑽丹鳳榮金網趨霄恐不
及況我無狀不知修道而無可修成佛而無可成不
妨依實供通要亦不堪取則諸仁者某係湖廣衡州
府人族姓劉父諱善長母宋氏一夕父夢老僧索住
處許之母遂有娠懷十有一月既而胎鳴者三於萬
曆丙午年八月十八日夜出生時有白光燭室燈月
如蔽衆皆謂奇幼不喜茹葷哺一葷卽吐稍長好看

撰述

儒書佛經厭處塵繁痛念生死懇父捨身出家父不允後許宇陳氏不數年陳君遊宦沒卽造菴脩像作福田邊事朝夕靜坐喜看戒律決志出家逐日訪問知識忽一日訪海天老師見案上有山茨和尚刻行南嶽禪燈錄讀之透不過古德宗旨問云山茨和尚潛隱何處天云結廬烟霞峰卽往見之和尚問汝在家作何功德某云念佛和尚云念佛又爭得某禮拜云特求和尚開示和尚云汝參一口氣不來向何處安身立命某領之從此發起疑情一日和尚以禪關策進命某看開卷見鶩湖大師示衆云莫祇忘形與失心此箇

難醫病最深直須提起吹毛利要剖西來第一義便問如何是西來第一義和尚打一棒云向者裏會取某卽歸家閉關或行或坐七晝夜目不交睫一日見古錄上有百季三萬六千日返覆元來是者漢之語便知諸根行業皆幻化不實日用尋常了無他事作偈云有物不生不滅無形非聖非凡晝夜相隨在住胡爲冷坐寒巖作書并偈呈似和尚回示云偈語雖佳不離記憶揣摸非親證親悟之言明眼人見之不值一笑某開覽不覺寒毛卓豎冷汗浹背行坐參究四十九晝夜不倦忽然呆在三四時不見有身心界罷

撰述

李綱雨露詩集卷一

偶聞雷迅如在網羅中跳出相似當下不疑銀山鋟
 壁一時粉碎作偈云八萬門頭一箇關一關本是絕
 遮闥蓦遭霹靂頂門開堂上家親竟日閒呈和尚尙
 領之一日荆紫峰無學大師至某開關禮接設齋次
 學問汝二六時中做甚麼工夫某云日間一食夜來
 一覺學云知汝不空過某云多謝和尚證明後上峰
 見南嶽山茨和尙茨問云聞汝請學兄是否某云是
 尚云他向你道甚麼某舉毒話尙云汝祇解問人不
 解自己分中事某云自己祇如此尙云如何是你自
 己某便喝尙云喝後如何某禮退次日又入室尙與

天童源流某接得問云一代傳一代傳箇甚麼尙云
 汝忘卻那某云也須問過尙良久某云達磨西來直
 指人心見性成佛後分二派五宗各立門戶各有旨
 遷五宗二派且不問如何是德山棒尙云你那裏見
 德山來某顧拄杖師便打示偈云覲面爲提持全施
 殺活機棒頭彰正眼痛處好思惟時年三十四歲和
 尚與祝髮受具分付住靜柱絕俗眷往來一日問世
 尊未離兜率已降王宮未出母胎度人已畢此意如
 何尙云家家門薪火把子某呈頌云來中本兮本中
 還玉對橫枝四海間黑漆盃孟添箇柄拈來擊碎祖

師關尙閑之默然又問薰風自南來殿閣生微涼此意如何尙云攔頸與汝掌某亦呈頤云薰風南來有何極殿閣微涼祇自知晴蝶逐香飄上下辰鷄閑日唱東西從今覩破真消息萬象森羅展笑眉尙微云如何是汝自知處某云空懸一片月燭破萬重山尙云山旣破汝卽今腳跟立在甚麼處某云翻身一擲騰霄漢管教鼻孔自撩天尙擲還頑藁某便出從茲和尙住山與南元寺垂示法語二十則尙太後某覺離師太早亦欲出山適和尙示宋南元復請靈骨入山併追寫道儀建塔畢乃于庚寅年六月初八日禮

辭和尙骨塔下衡山至武昌遭寓處失火和尙手澤俱焚行李皆燼漢口道俗請住菩提菴次年三月始到金陵四月底鎮江鶴林寺見牧雲和尚尙問云汝來作甚麼某云特來親覲和尙牧云見我那某云答日聞風今朝覲面牧云覲面後如何某云眉毛在眼上牧云除了者裏又作麼生某一喝牧云那裏學者虛頭來某云瞞和尙不得牧云我有三十棒怨汝遠來某禮拜出到夾山見箬菴和尙尙問莫是拜南嶽騰今古爍破乾坤箬云正是拋家亂走某云騰身獨和尙底季總麼某云是箬云拋家亂走作麼某云輝騰

撰述

立太虛外鼻孔從教塔上唇箬云我有三十棒未到
 你在某拂袖便出箬至慶山杭州某皆隨侍朝夕參
 請越三月餘辭上龍池見本師和尚掃幻老師翁塔
 圓戒尙問你是湖廣那一府某以手打圓相呈起尙
 云還別有伎倆麼某喝尙云再喝喝看某云爭柰舌
 頭在某甲口裏尙云舌頭雖在口爭奈道不出某云
 未問已毒道過了也尙云曾親近甚麼人來某云南
 嶽茨和尙尙云他卽今在甚麼處某云一峰皎潔孤
 峰頂爍破龍池徹底清尙打云閒言語某云輕輕曳
 杖龍池過惹得傾湫倒懸來尙復打某云也是醉後

添杯尙云喚作棒卽鎗某禮退一日入方丈尙問答
 曰巖頭道大小德山未會末後句如何是末後句某
 云和尙萬福尙云此是最初句某云聽師分別一日
 入方丈尙云除卻言詮道一句看某鳴指一下尙云
 還有麼某云太無厭生便出一日請和尙設戒上堂
 某出問猛虎入山逢獬豸蛟龍出水避螟蚣手提三
 尺龍泉劍誰敢當頭觸萬峰當頭一句卽不問萬峰
 獨露是如何尙云試借劍看某云半空伸出掣雲手
 奪得麗龍領下珠尙云空開大口某以手呈珠勢云
 請師高着眼尙云背後底又作麼生某一喝尙云亂

喝某云大似日下孤燈便歸衆次日辭尙欲歸南嶽
尙云下路人學道甚難回山之念且止老僧完你底
事可在下路度衆遂付某源流拂子某力辭欲歸尙
云江南住住好適興化一師請住普度菴卽命往焉
此上一番絡索山僧不著便被諸人帶累了也且道
諸人還知鼻孔落在山僧手裏也無良久拈拄杖卓
一卓云若無舉鼎拔山力千里烏鵲不易騎衆歡喜
作禮而退

季總微禪師語錄卷第二

終

侍者超祥記錄

拈古

舉世尊初生一手指天一手指地周行七步目顧四
方云天上天下唯我獨尊後雲門云我當時若見一
棒打殺與狗子喫郤貴圖天下太平

拈云釋迦老子無風起浪將謂有多少奇特冷地
看來也是頭上安頭雲門正令雖行未免賊過後
張弓二老鼻孔俱被慧燈穿郤了也還有爲古人
雪屈者麼出來與慧燈拄杖子相見

60 1 2 3 4 5 6 7 8 9

10

80

12

3

4

5

6

7

8

9

舉世尊在靈山會上拈華顧衆百萬人天皆悉罔擗
唯迦葉尊者破顏微笑世尊云吾以正法眼藏涅槃
妙心實相無相微妙法門不立文字教外別傳付囑
摩訶迦葉

拈云世尊可謂挽千鈞之弩箭不虛發迦葉亦似
水無筋骨能載萬乘之舟歟雖如是也是將鎗就

鎗

趙州路逢一婆子問云甚麼處去婆云偷趙州筍去
州云忽遇趙州又作麼生婆與一掌州休去

拈云趙州老漢三十年覓馬騎郤被驢子撲雖然

暗裏抽橫骨明中坐舌頭也須是者老漢始得
浮杯和尚因凌行婆問盡力道不得句分付阿誰杯
云浮杯無剩語婆云未到浮杯不妨疑著杯云別有
長處不妨拈出婆歛手哭云蒼天中要添冤苦杯無
語婆云語不知偏正理不知倒邪爲人卽禍生後僧
舉似南泉泉云苦哉浮杯被者老婆推折一上婆聞
笑云王老師猶少機關在時有澄一禪客問婆王老
師爲甚少機關婆哭云可悲可痛澂一舉似趙州州
云我若見者臭老婆問教口啞澄一云未審和尚爭
生問他州便打濺一云因甚卻打某甲州云是你者

伎死漢不打要待何時婆聞云趙州合喫婆手中棒
州聞哭云蒼天蒼天婆聞云趙州眼光爍破四天下
州聞令僧問如何是趙州眼婆豎起拳僧回舉似州
寄偈云當機覲面提覲面當機疾寄語凌行婆哭聲
何得失婆復偈云哭聲師已曉已曉復誰知當時摩
竭國幾處日毒機

拈云一箇狗走抖撒口一箇猴愁摟搜頭一箇驢
驢赴大隊一箇漆桶夜生光當時慧燈若見好與
一坑埋郤貴圖天下太平忽有箇窮不甘底出來
道慧燈真甚眼乃能如是但歛手云蒼天蒼天

大隨菴側有一龜僧問一切衆生皆皮裏骨者箇衆
生因甚骨裏皮師拈草履覆龜背上僧無語

拈云大隨和尚拈草履不是好心蹋殺者僧三生
六十劫翻身不得若是慧燈待問振威一喝管教
他皮膚脫落

靈雲因見桃華悟道作偈云三年來尋劍客幾回落
葉又抽枝自從一見桃華後直至如今要不疑玄沙
聞云諦當甚諦當敢保老兄未徹在

拈云靈雲平地喫顛玄沙痛處下針二俱未了山
僧恁麼道也是龜毛長三尺

玄機女道者常靜於大日山中一日忽念曰自性如
如本無去住厭喧取靜豈爲達耶乃往參雪峰峰問
從甚處來機云大日山峰云日出也未機云若出鎔
郤雪峰峰云汝名甚麼機云玄機峰云日織多少機
云寸絲不掛便禮拜纔行三五步峰召云袈裟角拖
地也機回首峰云大好寸絲不掛

拈云慧燈有六十棒二十棒打玄機不合龍頭蛇
尾二十棒打雪峰不合噦後興兵二十棒慧燈自
契初不干及大衆且道意作麼生具眼者繙繫看
雪峰問僧近離甚處僧云覆船峰云生死海未度因
僧自喫不干閑黎事

拈云楊意不逢撫凌雲而自憐鍾期旣遇奏流木
以何慚雪峰覆船可謂心眼相關矣雖然醫得眼
毒瘡剜去心頭肉爭奈被者懵懂漢一時勘破且
那裏是他勘破二老處

莫將尚書謁南堂淨禪師谷決心要堂使其向好處
提撕適如廁聞穢氣急以手掩鼻遂有省卽說偈曰

從來姿韻愛風流幾笑時人向外求萬別千差無覓處得來原在鼻尖頭南堂答曰一法纔通法法周縱橫妙用要何求青蛇出匣魔軍伏碧眼胡僧笑點頭拈云莫將尚書向廁坑上得些臭氣便誇大口玷辱宣尼大師不少南堂老漢好與三十拄杖何故不合教壞人家男女

僧問雲門如何是佛門云乾矢橛

拈云人歸大國方知貴水到瀟湘分外清韶陽老子正所謂見說吳音都變盡語言渾似廣南蠻也然雖如是也是靈龜曳尾

東印土國王請般若多羅尊者齊次衆皆轉經尊者宴坐王問曰師何不轉經者曰貧道出息不涉衆緣入息不居陰界常轉如是經百千萬億卷王信入作禮

拈云國王請齋不是好心尊者雖善說法要耐耐國王出入人忙不能已慧燈卻不然他若問何不轉經但鳴指一下云三藏十二部皆從者裏演出若人承虛接響自有國王證明

王常侍問僧一切衆生皆有佛性是否僧云是侍指畫上狗子云者箇還有佛性也無僧無語侍自代云

看敵著你

拈云憎何夫子之說君子也駟不及舌何以故不知者僧郤具陷虎之機令者漢鑽入畜生隊裏吠椿逐塊然雖如是山僧也是爲他閒事長無明

卦六十四

入息不詳

賓坐王門日而月不轉

東南土圓玉龍環其後

頌古

世尊一日陞座文殊白椎云諦觀法王法法王法如是世尊便下座

未升座布已漏洩何須開口重宣說銅頭鋟額萬千人盡向文殊椎下折

達磨大師見梁武帝帝問如何是聖諦第一義磨云廓然無聖帝云對朕者誰磨云不識帝不契一隻折頭箭直射九重殿廓然如霹靂不識同閃電覲面被活埋至今無人見

文殊師利至諸佛集處見一女子近於佛座而入三

昧白佛云何此女得近佛坐而我不得世尊云汝但覺此女令從三昧起汝自問之文殊遠女子三匝鳴指一下托至梵天盡其神力而不能出世尊云下方過四十二億恒河沙國土有罔明菩薩能出此定須臾罔明從地湧出佇世尊前世尊勅出女定罔明於女子笄鳴指一下女子於是從定而出
夢中春色夢中回月裏娑羅月裏垂堪笑罔明與文殊無端失郤兩莖眉法眼因二僧來參眼以手指簾二僧同去捲眼云一得一失

指出須彌不是山寒雲深鎖兩重關他家自有通香路不在脣縫疊翠間

雲門因僧問如何是諸佛出身處門云東山水上行耳朶兩片皮舌頭一癩肉五五二十五六六三十
六

雲門因僧問如何是佛法大意門云面南看北斗面南看北斗拈得鼻孔失郤口丈二舌頭著地拖波斯倒拔崑崙走

雲門因僧問不是目笄機亦非目笄事時如何門云倒一說

倒一說腦門拔出三筋鍊蟻螟眼裏放風箏無色
界天笑落舌別別往往清風吹白月

玄沙指地上白點問僧云見麼僧云見沙如是三問
僧如是三答沙云你也見我也見因甚麼道不會
你也見我也見大似看間倒挂劍血濺梵天祇如
然大冶精金色不變

趙州因僧問學人乍入叢林乞師指示州云喫粥了
也未僧云喫粥了州云洗盃孟去其僧有省
喫粥了洗盃去等閒撞折須彌柱咄哉禍事不須
言冤入骨髓無雪處

曹山問強上座佛真法身猶如虛空應物現形如水
中月作麼生是應的道理強云如驢覲井山云道則
大煞道祇道得八成強云和尚又如何山云如井覲
驢

驢覲井井覲驢金毛獅子騎文殊舌頭無骨峭峻
峋兩箇鴛鴦一畫圖

南泉示衆云馬大師說卽心卽佛王老師不恁麼道
不是心不是佛不是物恁麼道還有過麼趙州禮拜
而去

出乎類拔乎萃端底泥團是土塊平地無端欺賺

60 1 2 3 4 5 6 7 8 9

10

80

1

2

3

4

5

6

7

8

9

人賊子尤能藏父諱

德山凡見僧入門便棒

入門便棒無風起浪那箇男兒不丈夫何勞特地
粧模樣

波斯匿王問佛聖義諦中還有世俗諦否若言其無
智不應一若言其有智不應二不二之義其義云何
世尊云大王汝於過去龍光佛時曾問此義我今無
說汝亦無聞無說無聞是名一義二義

聖諦俗諦一二義分明直說君休記春來春去華
開落揭諦揭諦僧揭諦

三聖云我逢人則出出則不爲人興化云我逢人則
不出出則便爲人

驢唇輕馬嘴重兩箇啞子同說夢與人方便惹人
嫌徒把指頭靴裏弄

馬祖因僧問如何是佛祖云卽心卽佛

太煞分明說似君緣何尚自暗沉吟折旋俯仰懸
誰力認著猶爲影弄人

古德垂語云鐘樓上念讚床腳下種菜時如何僧云
猛虎當頭踞

劍林刀樹眼中裁鋟壁銀山驀面來遍界迴無迴

避處老胡種族一時埋

石頭云恁麼也不得不恁麼也不得恁麼不恁麼總不得

開得唇皮意莫窺革囊偏自露針錐橫穿一串金

剛子散作禾山打鼓椎

趙州因僧問狗子還有佛性也無州云無

太阿氣接斗牛光凡聖從來難近傍未道已弄筋

骨露那堪開口犯鋒芒

投子因趙州問大死底人卻活時如何子云不許夜行投明須到

石虎踢翻衡嶽去泥牛吸盡洞庭湖全死全活休
擬議明暗多來在半途

歸宗因僧問如何是佛宗云我向汝道汝還信麼僧云和尚重言安敢不信宗云卽汝便是僧云如何保任宗云一翳在眼空華亂墜

面門劈破露筋骨突出圓光孤卓卓不得春風華
不開華開又避風吹落

魯祖面壁

一掬冰池冷徹骨皮膚凍裂命難續寒風凜凜要
堪悲幾箇於中能下足

南嶽讓禪師因馬大師闡化江西師問衆云道一爲衆說法否衆云已爲衆說法師云總未見持箇消息來衆無對因遣一僧云待伊上堂時但問作麼生伊道底言語記將來僧至一如師旨回謂師云馬師云自從胡亂後三十年不會少鹽醬喫師死之

徹底掀翻透頂過拈來當甚苦胡盧直饒高蹻毘盧頂猶是他家田庫奴

龍牙叅翠微久之一日問云自到法席不蒙示誨意在於何微云嫌甚麼又問洞山山云爭怪得老僧法眼別云祖師來也

嫌甚麼可憐生無限平人被陸沉心不負人爭怪得祖師來也太惺惺電光影裏親薦得薦得分明也隔津

雪峰因三聖問透網金鱗以何爲食峰云待汝出網來卽向汝道聖云一千五百人善知識話頭也不識峰云老僧住持事繁

禹門三汲起風雷戴角金鱗被網圍驀地翻身騰碧漢遭他點額下漁磯

乾峰上堂云舉一不得舉二放過一著落在第二雲門出衆云昨日有人從天台來郤往徑山去峰云典

座來日不得普請便下座

舉一分明落二頭天台人往徑山遊赤鬚胡遇赤
鬚赤腦後長釘暗裏抽

雲門因僧問不起一念還有過也無門云須彌山
火裏生火裏死慎終幾箇能如始擔箇須彌達大
千虛空撞落當門齒

雲門云聞聲悟道見色明心遂舉起手云觀世音菩
薩將錢買糊餅放下手云元來祇是餛頭
聞聲悟道見色明心靈雲見桃萼香嚴擊竹林觸
體識盡喜無立胡餅餛頭金博金

雲門因僧問如何是一代時教門云對一說

對一說口啞鍊帶角披毛無間歇嘉州大象喫一
鞭陝府鐵牛痛不徹別別跋龜蹋破蒼龍穴

雲門每顧見僧卽云鑑僧欲酬之則云咦

頭上沒蹤跡腳下絕消息擬議待如何遭他顧鑑
咦韶陽老起復倒拄杖擎雲穿碧漢大蟲戴角入
荒草

瑞巖每自喚主人公復應諾乃云惺惺著他後莫受
人瞞

慣弄精魂是禍胎不知誤卻幾人來無端平地開

深穿多少風流被活埋
智門因僧問蓮萼未出水時如何門云蓮萼出水後
如何門云荷葉

出水何如未出時蓮萼荷葉兩依依靈根不在鳥
唬處馬踐殘紅滿路飛

首山因僧問如何是佛山云新婦騎驢阿家牽
親切爲君急處提回頭何得尚遲疑承當直下無
餘事常憶當初滿腳泥

七賢女遊尸陀林因緣

大而無外細而無內以此索帝釋剗地應難會妙

用甚天然靈機真拔萃雖拔萃國有憲章三千條

罪

吾道一以貫之

日紅月白東出西沒行無義路坐斷語默板齒生
毛高山停船祇者一貫兩箇五百

摩竭掩室

瞿曇無故夜拋磚拶著能令心膽酸骨董價高因
有自觸體乾盡待何年木人寒向火邊立石女昏
來鏡裏眠坐斷兩頭君可驗中間一點見還偏
毘邪杜口

腳頭一路難回互脫卻皮膚體自堅東甕飲乾西
甕酒張公醉倒李公軒驢蹏不似馬蹏曲牛角還
同兔角尖不二門中消息子括囊早已落言詮

德山托盃

無牙獅子謾調兒返鄆嚦呻盡力施末後句少狐
疑會得游行更讓誰萬古長空風月在三年從說
是歸期

東坡居士問琴操西湖境因緣

滿園春色画眉喧啼破浮雲宇宙寬金勒馬嘶芳
草地玉樓人醉杏華天

雲門因僧問如何是端坐念實相門云河裏失錢河
裏流

河裏失錢河裏流重陽徧地開金菊桑田變海古
今然萬里江山一點墨

藥山夜參不點燈垂語云我有一句子待特牛生兒
卽向汝道有僧出云特牛生兒也祇是和尚不道山
云侍者把火來其僧抽身入衆

特牛生兒暗自誇稜層頭角口吒吒分明點出不
能會句裏追尋事轉睛

雲門因僧問如何是法身門云六不收圓悟勤云一

不立

驢事三馬事七露柱穿郤燈籠鼻豐千騎虎出松
門林過寒巖千丈碧

首山示衆云喚作竹籠則觸不喚作竹籠則背畢竟
喚作甚麼

背觸何如放下親拈來弄去自傷神直饒當下無
回互未是他家脫穎人

百丈每上堂有一老人隨衆聽法一日衆退惟老人
不退丈問汝何人也曰吾非人也於過去迦葉佛時
曾住此山因學人問大修行人還落因果也無某甲

對曰不落因果遂五百生墮墮狐身今請和尚代一
轉語貴脫墮孤身丈云汝問來老人乃問大修行人
還落因果也無丈云不昧因果老人於言下大悟作
禮曰某甲已脫墮孤身住在山後敢乞依亡僧事例
丈令維那白椎告衆食後送亡僧衆驚異丈食後領
衆至山後巖下以杖挑出一死墮狐乃依法火葬
不落不昧成團打塊或墮或脫磊磊落落終日相
逢知是誰嘴如畚斗頭如鑿

雲門因僧問如何是超佛越祖之談門云胡餅
敲出金鳳髓擊碎驪龍珠當機覲面提水急浪華

標題

卷之三

麤君不見蹋得故鄉田地穩南詣北調總無殊
趙州因僧問如何是祖師西來意州云庭苑柏樹子
僧云和尚莫將境示人州云老僧不將境示人僧云
如何是祖師西來意州云庭苑柏樹子

庭苑柏樹歲寒心兩度拈來用轉新回奈翠巖真
潦倒深耕淺種詎平人

洞山因僧問如何是佛山云麻三斤

如何是佛麻三斤禪流莫認定盤星雲過樹頭拖

綠黛雁將秋影落沙汀

雲門因僧請益乾峰十方婆伽梵一路涅槃門因緣

門拈起扇子云扇子跨跳上三十三天策著帝釋鼻
孔東海鯉魚打一棒雨併傾盆

古潭龍臥碧如苔觸著傾湫倒懸來蕩滌長安車
馬路行人胡要犯疑猜

機遇

源流頌

第一世南嶽讓禪師詣曹谿參六祖。祖問甚處來。師云嵩山來。祖云甚麼物。恁麼來。師云說似一物。卽不中。祖云還假脩證否。師云脩證則不無染污。則不得。祖云卽此不染汙。諸佛之所護。念汝旣如是。吾亦如是。

覲面無私恁麼來。高超物表絕塵埃。一輪廻出難遮障。七十餘峰盡豁開。

第二世馬祖一禪師在衡嶽山習坐禪。讓和尚知是汰器來問。云坐禪圖作甚麼。師云圖作佛。讓乃取一

輒於師菴前石上磨。師云磨作甚麼。讓云作鏡。師云磨輒豈得成鏡。讓云磨輒既不成鏡。坐禪豈得成佛。師云如何。即得。讓云如牛駕車。車若不行。打車即是打牛。即是師於言下大悟。

烟霧重重瘴嶺巔。撥開紅日耀當天。車牛兩是都拈郤。蹴蹋從茲遍大千。

第三世百丈海禪師參馬祖爲侍者。一日侍祖行次見一羣埜鴨子飛過。祖云是甚麼。師云埜鴨子。祖云甚處來也。師云飛過來也。祖遂扭師鼻。師負痛失聲。祖云又道飛過來也。師於言下有省。後再參侍立。次祖以目視繩床角拂子。師云卽此用離此用。祖云你向後開兩片皮。將何爲人。師取拂子。豎起。祖云卽此用離此用。師挂拂子於舊處。祖震威一喝。師直得三日耳聾。

扭轉鼻頭謗。撩天興雲吐。霧出人。毒更遭一喝觸體碎。獨坐雄峯覩上巔。

第四世黃蘖運禪師參馬祖。值祖遷化時。百丈廬於塔傍。師乃請問祖平日得力處。丈舉再參因緣。言老僧被馬大師一喝。直得三日耳聾。師聞舉不覺吐舌。丈云子已後莫承嗣。馬祖。太麼。師云不然。今日因師

舉得見馬祖大機之用然且不識馬祖若嗣馬祖已後寧我兒孫丈云如是如是見與師齊減師半德見過於師方堪傳受子甚有起師之見

一句當陽脫牢籠舌頭吐出化蠶虹大機之用全擔荷滴水騰波起卧龍

第五世臨濟玄禪師在黃蘖會中時睦州爲首座令問話師遂本問如何是佛法的大意聲未絕蘖便打如是三度發問三度被打師便辭蘖令參大愚師到大愚愚問甚處來師云黃蘖來愚云黃蘖有何言句師云某甲三度問佛法的的大意三度被打不知某甲有過無過愚云黃蘖恁麼老婆心切爲你得徹固要來者裏問有過無過師於言下大悟云元來黃蘖佛法無多子愚擣住云者屎牀鬼子適來道有過無過如今又道佛法無多子你見箇恁麼道理速道速道師便向大愚脇下築三拳愚拓開云汝師黃蘖非干我事師回黃蘖蘖見來問云來來來太公有甚了期師云祇爲老婆心切蘖云大愚饒舌待來與伊一頓師云說甚待來卽今便與遂掌蘖唶唶大笑三度龍門遭霹靂大愚脇下報冤讐獅王窟裏真獅子返鄉還他得自由

第六世興化獎禪師初參臨濟充侍者後在三聖會中充首座常云我在南方行腳一遭拄杖頭不會撥著一箇會佛法底三聖聞知問云你具箇甚麼眼便恁麼道師便喝聖云須是你始得大覺聞云作麼生得風吹到大覺門裏來師後到大覺爲院主一日覺喚云我聞你道向南方行腳一遭拄杖頭不會撥著一箇會佛法底你憑箇甚麼道理恁麼道師便喝覺便打師又喝覺又打師來日從法堂旁過覺召云院主我直下疑你昨日兩喝師便喝覺便打師再喝覺再打師云某甲於三聖師兄處學得箇賓主句總被

師兄折倒了也願與箇安樂法門覺云者瞎漢來者裏納敗缺脫下衲衣痛與一頓師於言下薦得臨濟先師在黃蘖喫棒底道理

電卷雷轟直向旁衲衣脫下始堪憐生香一瓣重拈出劈破三玄作兩邊

第七世南院顥禪師嗣興化上堂云赤肉團上壁立千仞時有僧問赤肉團上壁立千仞豈不是和尚語師云是僧便掀倒禪牀師云你看者瞎驢亂做僧擬議師便打出院

凜凜吹毛赤手提縱橫殺活在臨時瞎驢從此無

門覶高建魔城也大奇

第八世風穴沼禪師參南院院問南方一棒作麼商量師云作奇特商量師卻問和尚此間一棒作麼商量院拈拄杖云棒下無生忍臨機不見師師於言下大徹玄旨

刀山劍樹擁毒津赤郤渾身晝夜行撞破娘生真面目動揚古路舊時人

第九世首山念禪師晚居風穴會中穴勉師擔荷大法師云願聞其要穴遂上堂舉世尊拈青蓮華目顧視大眾迦葉正與麼時且道說箇甚麼若道不說而

說又是埋沒先聖且道說箇甚麼師乃拂袖而退穴擲下拄杖歸方丈侍僧請益云念法華爲甚不祇對和尚穴云念法華會也次日與真圓頭同上問訊穴問云作麼生是世尊不說說真云鵠鳩樹上帝穴云汝作許多癡福作麼何不體究言句又問師師云動容揚古路不墮悄然機穴謂真云何不看念佛華下語師自茲印可後開汰首山

寶樹森森鬱茂林鵠鳩不解劫前春懸巖古路摩尼聚動用無如妙法音

第十世汾陽昭禪師到首山山陞座師出問百丈捲

席意旨如何山云龍袖拂開全體現師云師意如何
山云象王行處絕狐踪師於言下大悟遂提坐具顧
大衆云萬古碧潭空界月再三撈擗始應知禮拜歸
衆有僧問云見何道理便爾自肯師云正是我放身
命處

輕輕拂動海門州驀拶黃河水倒流萬古碧潭誰
辨的一輪穿破水中秋

第十一世石霜圓禪師參汾陽經一季未許入室每
見必罵一夕訴云自至法席不蒙指示念歲月飄忽
已事未明有失出家之利語未卒汾叱云是惡知識
敢裨販我怒舉杖逐之師擬伸救汾掩其口師乃大
悟云是知臨濟道出常情

歲月飄零入眼空怒拈白棒活如龍分明指點無
生路道出常情一派通

第十二世楊岐會禪師叅慈明一日明上堂師出問
幽鳥語喃喃辭雲入亂峰時如何明云我行荒草裏
汝又入深村師云官不容鍼更借一問明便喝師云
好喝明又喝師亦喝明連喝兩喝師禮拜明云此事
是箇人方能擔荷師拂袖便行

幽鳥辭雲立話端老胡門徑潑天寬自非西河金

獅子難免遭他一問瞞

第十三世白雲端禪師叅楊岐岐問受業爲誰師云
茶陵郁和尚岐云聞伊過橋遭攔有省作偈甚奇能
記否師頌云我有明珠一顆久被塵勞關鎖今朝塵
淨光生照破山河萬朵岐笑而趨起師愕然通夕不
寐黎明咨決適歲暮岐云汝昨日見打歐讎者麼云
見岐云汝一籌不及渠師復駭問岐云渠愛人笑汝
怕人笑師大悟

一笑臨風顯大機暗藏春色幾人知蓦然打破精
靈窟萬紫千紅總是伊

第十四世五祖演禪師親浮山遠達令叅白雲舉僧
問南泉摩尼珠話請問雲叱之師領悟獻投機偈云
山前一片閑田地又手叮嚀問祖翁幾度賣來還自
買爲憐松竹引清風雲印可云栗棘蓬禪屬子矣令
掌磨未幾雲語師云有數禪客從廬山來皆有悟入
處教伊說亦說得舉因緣問伊亦明得教伊下語亦
下得祇是未在師疑自計云既悟了說亦說得明亦
明得如何却未在叅究累日忽省悟從前實惜一時
放下遂走見雲雲爲手舞足蹈師後云吾因茲得出
一身白汗便明得下載清風

一片閒田古到今
楚花春草不能侵
奈何特地栽松竹
後代兒孫費討尋

第十五世圓悟勤禪師爲五祖侍者一日部使詣祖
問道祖云提刑少時會讀小艷詩否有兩句頗相近
頻呼小玉元無事祇要檀郎認得聲提刑應喏喏師
侍次問云提刑會否祖云他祇認得聲師云祇要檀
郎認得聲既認得聲爲甚却不是祖云如何是祖師
西來意庭前柏樹子聾師忽有省遠出見雞飛上欄
杆鼓翅而鳴復自謂云此豈不是聲遂入室通所得
呈偈云金鳴香銷錦繡幃笙歌叢裏醉扶歸少年一

段風流事祇許佳人獨自知

托情比戲離華鋒觸著旃檀寶樹風轉向庭前春
色裏錦鶯啼破太虛空

第十六世虎丘隆禪師謁圓悟悟問見見之時見非
是見見猶離見見不能及遂舉拳云還見麼師云見
悟云頭上安頭師於言下脫然契證悟叱云見箇甚
麼道理師云竹密不妨流水過悟深肯之

奴郎別後始承家睡虎巖卉露爪牙誰識漢朝基
業固劉章酒令至今誇

第十七世應菴華禪師初依圓悟痛與提策悟令見

虎丘隆居半載通徹大法頓明圓悟爲人處後開堂
法嗣虎丘有僧傳師垂示語大慧見之極口稱歎有
偈寄云坐斷金輪第一峰千妖百怪盡潛踪年來又
得真消息報道楊岐正脈通

赤手摟空虎穴來幔天鐵網向潮開知音遙隔蓬
萊島相報琅琅語似雷

第十八世密菴傑禪師謁應菴菴問如何是正法眼
師云破沙盆菴領之

時把綸竿釣槩心烟波歷盡遇知音扁舟歸去霜
天曉紅日青峰萬戶春

第十九世破菴先禪師叅密菴菴住靈隱師分座有
道者請益云胡孫子捉不住願垂開示師云用捉他
作麼如風吹水自然成紋時無準在旁有省

湛水波紋沒覆藏普天匝地露堂堂男兒具有超
方眼覲體相看八面剛

第二十世無準範禪師初謁一老宿問坐禪之法宿
云禪是何物坐底是誰師體究一日如廁有省次叅
育王佛照照問何處人師云劖州人照云帶得劖來
麼師隨聲便喝照笑云這鳥頭子也亂做後至靈隱
時破菴爲第一座同遊石筍菴有道者請益胡孫子

撰述

話師在旁當下脫然

踢碎烟痕入亂峰閉門深自寫從容一聲何處猿
唳月萬壑千谿曉夢中

第二十一世雪巖欽禪師參天目禮令看臨濟二頓
痛棒話一日上蒲團忽有省後在無準會中每遇入
室舉主人公便可打跨跳舉衲僧巴鼻佛祖爪牙要
無下口處經十年偶佛殿前行擡眸見一株古柏觸
着向來所得境界和底一時颺下方始見徑山老人
立地處

帶月披霜四海遊十年鶴夢不知秋一株古柏金

風戰颺下清光露兩眸

第二十二世高峰妙禪師謁雪巖纔問訊揷香被一
頓痛棒打出後一入門便問誰與你拖這死屍來聲
未絕便打出一日覩五祖演真贊云百年三萬六千
朝返覆元來是這漢有省後侍嚴巖詰云日間浩浩
地作得王麼師云作得王又問睡夢中作得王麼師
云作得王又問正睡着時無夢無想無見無聞王在
甚麼處師無對後因同宿道友推枕子墮地作聲大
悟云元來只是舊時人不改舊時行履處

驀然踢破水晶宮金色銀光處處同直向孤峰頂

60 1 2 3 4 5 6 7 8 9

10

80

1

2

3

4

5

6

7

8

9

校述

上宿春雷震徹主人公

第二十三世中峰本禪師因觀流有省詣高峰求證
被峰打趨出既而民間訛傳官選童男女師因問云
忽有人來問和尚討童男女時如何峰云我但度竹
籠子與他師言下洞然徹法底源

無端求纏染膻腥蹋破乾坤別問津索得童男都
撇郤竹籠三尺證無生

第二十四世千巖長禪師見中峰初參狗子無佛性
話因聞鵠聲有省具陳悟因峰斥之師憤然歸夜半
忽鼠翻貓器墮地恍然開悟徃質峰峰問云趙州何
故云無師云鼠食貓飯峰云未在師云飯器破矣峰
云破後如何師云築碎方甓峰乃微笑囑云善自護
持時節若至其理自彰

幽鳥喃喃報好音鼠翻貓器最爲親直教枯木寒
巖上一點回光萬象春

第二十五世萬峰蔚禪師慕千巖道風徃謁初入室
巖問將甚麼與老僧相見師豎拳云這裏與和尚相
見巖又問死了燒了向何處安身立命師云漚生漚
滅水還在風息波平月映潭巖云莫要請益受戒麼
師卽掩耳而出明日普請研松師拈圓石作獻珠狀

云請和尚酬價嚴云不直半文錢師云瞎嚴云你也
瞎我也瞎師云瞎瞎

岳路迢迢一色新晴空萬里淨烟塵箭鋒相柱難
廻避撲落蟬娟徹夜明

第二十六世寶藏持禪師參萬峰峰付偈云大愚肋
下痛還拳三要三玄絕正偏臨濟窟中獅子子燈燈
續焰古今傳

山色湖光不費猜三玄要付棟梁材金毛窟裏金
獅子一吼從教萬象回

第二十七世東明呂禪師親寶藏持一日藏問云心

不是佛智不是道汝云何會師向前問訊又手而立
藏呵云汝在此許多時還作這箇見解師乃憤然至
第二日蓦然徹法底源乃呈偈云一拳打破太虛空
百億須彌不露踪借問箇中誰是主扶桑湧出一輪
紅

雲龍風虎印寰中又手猶然隔萬重百億須彌都
扭碎海門迸出一輪紅

第二十八世海舟慈禪師嗣東明

失機緣語錄

歷盡閭浮道路賒誰知滄海是生涯東明一滴曹
溪水運出慈舟濟劫沙

第二十九世寶峰瑄禪師居金陵高峰寺天奇參師
問甚麼處來云北京師云只在北京別有去處云隨
方瀟灑師云曾到四川否云曾到師云四川境界與
此間境界何如云江山雖異風月一般師豎拳云還
有這箇麼云無師云因甚却無云非我境界師云如
何是你境界云諸佛不能識誰敢強安名師云汝豈
不是着空云終不向鬼窟裏作活計師云西天九十
六種外道你是第一奇拂袖便出

問著蠶叢事轉賒錦江春色古來誇何如此地風
光好二水中分白露沙

第三十世天奇瑞禪師因病中看大慧瘡背因緣有
省自此有問便行棒喝偶聞山鹿叫喚會得日用之
中無不是語後同祖月看應菴語錄證悟忽一日行
途中不覺身心廓落從前所悟所證一場懨懨自懊
云將謂有多少奇特後到金陵見寶峰峰爲印可說
偈云濟山棒喝如輕觸殺活從教手眼親聖解凡情
俱坐斷曇華猶放一枝新

腳跟踢遍水雲崎萬戶千門一月輝更向寶峰春
色裏曇華香處顯全機

第三十一世無聞聰禪師參天奇奇問在世忘世時

如何師云了物非物奇云在念忘念時如何師云於心無心奇云心物俱忘時如何師云華山高峻太行峩

華山高峻太行峩此箇難忘事轉多者裏不堪言

句會一輪秋月映江波

第三十二世笑巖寶禪師叅無聞問云十聖三賢已全聖智如何道不明斯旨聞厲聲云十聖三賢爾已知如何是斯旨速道師下語不契一日提籃水邊洗菜忽一莖菜葉墮水逐水圓轉捉不着師忽有省悟躍携籃歸入見聞聞問是甚麼師云一籃菜聞云何

不別道一句師云請和尚別問來後再叅與聞圍爐次聞乃問人人有箇本來父母子之父母今在何處師云一火焚之間云恁麼則子無父母耶師云有則有佛眼覲不見聞云子還見麼師云某亦不見聞云爲甚麼不見師云若見則非真父母呈偈云本來真父母歷劫不會離起坐承他力寒溫亦共知相逢不相見相見不相識爲問今何在分明呈似師聞云只此一偈堪紹吾宗遂印可

一莖漂出順溪流八臂修羅無計畱歸去堂前親舉似高提籃子足機籌

第三十三世幻有傳禪師因聞燈華爆有省便遊方
叅笑嚴求證嚴云汝把從前所悟底得力工夫一一
說來我爲汝印證師具實語中間驀超出隻履云向
這裏道取一句看遂把師話一時打斷師通夕不寐
明晨立簷下嚴出方丈見之乃喚師師回顧嚴翹一
足作修羅障日月勢師自茲脫然

修羅日月掌中擎照破燈花劫外春休問華山誰
勞破摸稜金掌萬年新

第三十四世天童悟禪師因閱壇經發心叅究一日
負薪過山巒見堆柴有省遂棄妻孥從幻有傳和尚

脫白執爨負春身任衆務久不憚勞後納僧服矢明
此事偶城歸過銅棺山頂豁然大悟覺情與無情煥
然等現覓纖毫過患了不可得時傳和尚入燕都師
往省覲傳見便問老僧離你三載還有新會處也無
師云有傳云何不呈似老僧師云一人有慶萬民樂
業傳云你又作麼生師云某甲特特來省覲和尚傳
云念汝遠來放汝三十棒師珍重出後因南還復歸
省傳問你到諸方會見甚麼人師以腳打地以手拍
膝傳云你許多時一點氣息也無師云和尚疑則別
叅傳乃撾鼓集衆付師衣拂以爲可倚以支臨濟

徹底掀翻世路窠千艱萬累自摩娑自從踢破銅棺頂躍出圓明照劫波

第三十五世龍池徹禪師嘉禾張氏子性淳朴幼負出塵志十九入興善寺剃染知有生死大事日夕不去心每遇耆碩卽求開導有授以禪關策進師捧之如獲至寶因見趙州無字話懷疑數年不倦偶讀楞嚴經至諸可還者自然非汝不汝還者非汝而誰有省入雲門參湛然禪師問無夢無想主人公話不契心思迷悶一日禪師上堂云且道一切放下阿那箇是你主人公豎起拂子云舉頭天外看誰是箇般人

師聞如在黑暗中跳出復念古人十死九生幾番徹悟方得大休大歇我何人敢爾罷參耶卽上金粟叅密雲和尚茶次密問者位師僧那裏師便喝密云老僧過在甚麼處師云再犯不容密云犯後如何師擬荅密卽打云該是我打你師直得通身汗下伎倆都盡不能加荅因入城聞人家打小廁云看你藏在那裏去師不覺通身踴躍占偈云沒處藏沒處藏全身獨露在街坊堪笑華亭擺渡漢葛藤打得太郎當遂入山亦不言所得久之密上堂有僧問佛法大意密云近前來僧近前密云老僧從來不眼花師於言下

60 1 2 3 4 5 6 7 8 9

10

80

1

2

3

4

5

6

7

8

9

接述

頓釋從前寶俗親見佛祖及一切衆生立地處自此
師資低昂當機不讓後密住天童師復入山司侍察
密一日問熏風自南來殿閣生微涼遍體寒毛豎將身納
云嚴霜初降徹骨皆寒密云天地縣隔師拂袖出呈
偈云熏風自南來殿閣生微涼遍體寒毛豎將身納
被藏鼻息鼾鼾一覺醒從來越國是南方密領之因
辭出山密卽付以衣拂師後開發吳之荆溪龍池山
有語錄十卷行世

金鎖重重啟固關六宮齊奏凱歌還禹門坐斷二
千頃平地波騰萬仞山

三卷終

季總徹禪師語錄卷第四

侍者超遠記錄

詩偈

五言八句

南嶽山居雜咏

澗底風來肅情空物物幽不聞車馬鬧遠郤世塵憂
葉落知秋老林疎露濕流忘機鷗與鷺相狎若相投
其二

門倩閒雲護清幽丈室臨埜猿探果焚巢鳥入林深
撇卻浮名網超然樂道心空空四句外得意芥投鉢

其三

靜看秋光好楓紅滿耳聲松濤聯鶴唳谷響苔蟬鳴遊客衣冠古慙僧風度清舉頭空際望楚澤有餘英

其四

日出通身暖風來大地涼人心多障礙聖道獨揮揚白玉生成白黃金不煉黃古今無改變在在露真常

其五

坐對西牕下碧峯蒼翠排白雲峯頂太清風竹塢廻山閣餘清夢溪松覆碧苔荒林無異味果熟鳥唧來

其六

搜到忘人處人忘法亦空兩忘俱宋滅萬有絕羅籠正入真三昧如斯號大雄含靈雖異象定慧理玄同

其七

亂石千峯裏危廬倚碧岑黃鸝鳴翠柳白鷺點芳林曲徑穿雲細荆扉落葉深幾番移住處山色亦沉吟

其八

世路風塵老歸休咬菜羹儉勤貧亦足戒愚禍終輕學自不欺始智依無事清書紳及銘座鼈勉盡餘生

其九

幽鳥繙蠻處烟萼映嶽容樹深偏見鹿寺遠不聞鐘

撰述

竹勁分青靄泉飛挂碧峯無人知此况獨對萬平松

其十

拭目疎林望風烟節候殊秋聲千葉墜遠影一巢孤
不避秋霜鴈驚飛夜月烏庭尋來又太幾度遺榮枯

其十一

高隱平生志今來住此山幻塵都覩破浮世漫相關
石乳隨時汲藤花任意攀乾坤空浩大誰識此中閒

其十二

林壑晴雲鎖亭亭幾樹梅汲泉吟咏太採藥帶香回
葉上寒山偈雲中般若臺杖藜隨所至石几布蒼苔

其十三

古刹清虛境停機問老翁山高月漸小源遠脈微通
虎嘯千峰肅龍吟萬壑雄丹青爲伴望繪入畫圖中

其十四

古樹蟠奇石清谿遶碧苔飯餘山鳥靜雲破盜龍回
壁老形如畫人間冷似灰三生如半日何處得愁來

其十五

紅葉都零落山泉覺有聲應知秋月朗不及夜燈明
竹影埽堦靜花閒映塢清松間拈埜句長嘯萬峯鳴

其十六

巖老山房瘦閒僧許暫棲雲深天墜地影淡日沉西
勞我烏藤杖看人白壁題悠悠清興永說偶對潺谿

其十七

疎狂難入世甘老白雲巔實際原無地清虛賴有天
棲心空劫外拭目古崖荒蘭若傍谿結隨時了幻緣

其十八

藤華飛石徑流水遶東津久與世人隔時來埜鹿親
縈縈深壑路杳杳大江濱嘯傲忘情處風和樹又春

其十九

苔砌谿邊路茆簷覆百花季來何甲子節至幾春華

策杖臨高石傾餅步淺沙猿聲歸洞晚和月弄烟霞

其二十

牕碧映清輝開門納翠微離霞孤鶴廻繞石亂雲飛
矮榻苔爲席疎簾葉作衣斜陽西下遠倦鳥自知歸

其二十一

獨向山居老松門露雨又書經集貝葉挂錫落藤華
種竹開青徑穿林摘紫茶相逢塵外客秋信寄誰家

其二十二

瀑響決長河藤芽挂綠蘿推雲出岫杳埽徑落萼多
簷柳拖金綫谿藤亂碧波晴明天氣暖凍解沒莓坡

60 1 2 3 4 5 6 7 8 9

10

11

12

13

14

撰述

其二十三

葉落浦山黃茫茫匝地霜搜林番澗柳穿隙入山房
池凍梅花吐空清厲字狂莖燒增烈燄風送晚烟香

其二十四

秋至梧先老涼生鴈早歸蛩聲依戶切水潦出途稀
明月舒光皎孤雲抱雨飛夜來風過樹紅葉滿荆屏

其二十五

桂輪偏照埜嵐氣滿幽林愛見激清景恒持虛白心
苔平趺坐穩風勁入林深老衲來相問焚香一鼓琴

畱別

萍水應無定翻成萬里思黃花秋雨暮白雁楚江遲
卓錫千山夢窮心浩刼詩偶然彈此曲何意使人知

孟秋送行

塞雁多南度翩翩遠送君此時看別路何處共斜曛
調拂關山月思浮海國雲尺書如不吝千里寄殷勤

其二

紅樹霜橋別青蘿木寺期去來唯仗錫得失但稱詩
細雨迷松徑孤烟結柳絲好隨梧葉信莫負落花時

其三

國亂猶飛錫天邊何處畱朝雲排小閣夕雨上孤洲

60 1 2 3 4 5 6 7 8 9

10

80

1 2 3 4 5 6 7 8 9

接述

四庫全書

五

白業飯常住青燈說浪遊孤帆欸乃裏日暮定中流

仲秋畱別

烟水無停櫓年來如自然林花邀副墨池草倩書玄
有句非平仄無心任折旋吾今非孟浪作息信前緣

其二

自分非高遁行踪任卷舒無心棲虎市有志懷鶴居
暑氣消衣袂秋聲散牧漁雌黃隨衆口端不掩瑕瑜
解制送禪者

涼風方解制曉客萬峰行傳食專絲滑秋衣薜荔輕
雲扶肩錫短月襯掌珠明江北江南事烽烟滿百城

七言八句

山居

瞿曇晉日弄華枝金色顰眉事不疑七處徵心饒片
舌八還辨見負雙肩貧見除糞勞如此長者施珍苦
若斯教外不須重註腳一肩擔荷要繇誰

其二

柳藏鸚鵡夕陽斜幽谷晴春實可誇林下風生閒虎
豹澗邊水溢浴龍蛇敝廬草座雲爲益枯木蘿龕菌
作華爲喜者些窮快活兩肩破衲伴烟霞

其三

撰述

李商隱詩集卷之四

幾度臨磯下釣絲潭寒月皎罷施爲坐箇蒲團忘歲
月瞠雙冷眼學呆癡有林是處藏狐免無窟何方隱
豹羆利劒尋常當面擲那堪時刻不持危

其四

識得家珍不外求依然曲水遶山樓旁開臨濟三玄
語看破天龍一指頭幾度清風嘶木馬半牕明月吼
泥牛自從笑罷歸來後高枕松陰聽瀑流

其五

坐來石上御清幽月皎長空雲已收人在夢中誰識
夢蟬隨秋喚不知秋心灰豈羨蓮華國念淨何妨翡

翠樓信道自身元是佛人間何事覓封侯

其六

威音那畔箇真傳顯露分明何用言要辨泥中原有
刺須知法外本無門欲同赤腳波斯相休作癡毛捕
影猿末後一機如舉似石人笑倒在谿源

其七

勞生汨汨事如何何不脩真出愛河識得浮沤滅北
海莫將幻夢戀南柯百季富貴金非少一旦無常土
亦多烟雨臺高波浪滾塵中歲月易蹉跎

其八

招遠

耐盡松筠意未闌好將銀燭夜深看但教月畔疏星
列擬聽風前落葉刪山壑樹搖如夢斷田園果熟已
秋殘銀橋指度今宵漢鐸怪雲深杓柄寒

烟霞峯

策杖遙登最上山真風須向翠巖攀世間濁質難相
許雲外清游信自閒怪石欲飛形躍躍驚流直下響
潺潺行來不覺幽玄處踢碎烟霞信步還

神僊洞

萬疊蒼黃鎖翠嵬山峯宋歷絕塵埃半谿影出清泉
竹幾隙香飄碧澗梅暮雨濕侵藤下路斜陽光襯洞

中苦從來不學長生術到此還思一溯源

彌陀峯

彌陀祇在翠微間覩體西方絕往還自是獨尊無兩
相擬思皈奉隔重關巍巍坐斷千巖石歷歷張開萬
木顏更有趣拈來親切句萃香鳥語絕追攀

飛來船

不識何人作此舟寥寥占斷楚江秋棹停木月巉岩
伴帆卷林風石浪浮招得片雲橫谷口偶通一綫過
峯頭洞庭浩森多生計透出烟波好順流

觀音巖

換述

孝經子言

亂峯幽澗境非常
易道縈廻入梵堂
奇石懸崖疑虎墮
蒼藤倚樹若龍狂
洞中有路通天竺
谷外無塢隱道場
優鉢華開何處地
幾番風過寶林香

天台寺

蹋破浮雲望彼蒼
松濤深處石爲梁
千山月色侵人夢
一樹梅花透塢香
幽谷豈妨春信早
懶雲寧解客情忙
我從易道行將徧
黃葉鳴爐欲沸湯

九仙觀

派派清流瀉翠橫
九仙臺上掃花迎塵囂
以謝季季遠花菓
時生日日春洞裏漁樵新
別調蓬萊勝負舊

棋聲請君要種桃千樹
白鶴飛來兩翮輕

擲鉢峯

踏翻階級直凌空
囊鉢全拋徹骨窮
曾在靈山親授記
故留衡嶽醒童蒙
誰云要有通霄路
唯信原無別樣功
任是老盧將不去
春風千載付山翁

太陽泉

引出峯頭噴未休
太陽何處不隨流
穿林渡海離塵網
傲雪經霜得自由
勢湧冲開千嶂碧
津流吞却一輪秋
斗牛不動真常處
宇宙無雙第一幽

讓祖塔

徵諸勝

撰述

李公麟詩集卷之四

九

巍巍壁立示全身虎嘯龍吟果是真臭孔撩天獨我
望舌頭拖地幾人親金幢高捷當軒令玉樹重敷却
外春七十餘峯俱坐斷寥寥千古却如新

中山大明寺

芒鞋拄杖腳頭寬信步行來路不艱明敝高懸連榻
淨清光返照逼窗寒兩廊素壁真堪畫一帶青山色
可餐春去已知花柳瘦大家列坐是園樂

寄慈法兄隱山

獨宿孤峯值早春清高那許世相憐情知格外忘人
我直透玄關始得純奪境奪人全體用立賓立主獨

精神別峯頭上遙相會誰道今人非昔人

壽程弘陽五十

已知四十九年事世路何如道路幽山色照開秦苑
日水聲流出漢宮秋青雲晉向塵中度白髮何須海
外遊一念回光無量壽謾勞海屋又添籌

元旦玩雪

極目平沉大地通孤燈照映草堂中梅花一樹誰知
白玉壁千峯我幸逢禪室飄來風說法香臺飛去鳥
談空季季好景原無別眼界于今更不同

志感

招述

卷之三

勞勞車馬走風塵，幸是當年埋炤身。壁立不行屠狗客，懸巖豈坐釣魚人。
溪山瀟散心加靜，雲月開明意自真。萬事如棋何足問，道緣心境幾番新。

寫懷

道路崎嶇過便休，閒觀世事水東流。日窮天際空今古，足躡雲端任去留。
泉石主人常並坐，松花道者每同遊。有時得句憑虛嘯，勝與漁樵共唱酬。

次南嶽和尚卧病二首

空谷寥寥獨掩扉，爲探心地郤忘機。病身一任松老瘦，骨何妨與鶴肥識破浮生真。
夢幻好憑祖道逗

光輝縛跡已遂烟霞志，卧看閒雲自在飛。

其二

林間長日意閒閒，問疾無人日往還。還有法利生猶未了，無心合道本非艱。
不因疎漏幽藏壑，寧爲清閒老臥山。魔佛兩頭俱坐斷，晴谿贏得步潺湲。

描山茨和尚真

一見吾師相貌奇，丹青未舉意先疑。眉間霜劍光時透，手內烏藤痛處追。
鼻孔未垂全道影，髮毛纔露識真儀。當軒突出誠難辨，那許時人問是誰。

禮南嶽山茨和尚塔

攝述

李德潤詩集卷四

亂雲堆裏事幽玄一塔千峯不記平像貌寧隨山色
變語音豈借水聲宣松陰斷處光還潔花影重交體
叟鮮潭北湘南人不會玲瓏插出自摩天

偶然作

短髮蓬鬆披雪裘長平宋寘卧林丘松華湧袁青精
飯霜葉寒燒黃蘖秋潦倒世情如蝶夢化僞時事付
春流砌蛩未識閒情思早向簷旁訴冷愁

泛沅湘登法海禪院

深秋獨泛汨羅灣夾岸芙蓉醉玉顏綠葉紅英憐我
老清風碧涼羨君閒沉湘舊恨應難洗弔古新篇豈

易刪落落緬懷書不盡何當乘興叩玄關

漢口倚樓望南嶺雪

離山莫最不相逢意足猶如萬里同一字懶題人相
外半行猶寄汝心中眼前樓閣堆新粉鏡裏蓬茅理
舊宮撥盡爐頭熑芋火寶華無數墮虛空

望巴陵寶塔

日暮湖天浩氣殷浪花堆裏鴈聲喧千峯遙落雲帆
迥一塔孤危天籟閒幾處踏歌松影內數聲簫管木
聲間持杯漫對西來爽倚徧斜陽獨破顏

峽山掃林臯和尚塔

擬述

文獻稿印詩錄卷四

孤光迥迥塔連巔幾陣風聲鳥語邊三瓣香拈蒸字
宙一杯茗獻薄雲烟歛衣就坐尊前哲又手揚眉望
後賢猶問箇中消息處橫山展竹淨明天

次韻酬愧菴居士

解脫場中共一家如君立志已堪誇心田雍太無明
草覺樹開來智慧莖坐斷洞中猿鳥道任從方外水
雲賒何時得遂幽巖隱拍手谿頭笑落霞

贈以貞道人

世間同隊幾同脩獨羨君能得自繇截斷情關如水
冷了知苦海若雲浮襟懷灑落塵緣累骨格英奇佛

相伴勘破箇中男女相乾坤何處不風流

壽李夫人七十

何必山邊與水邊閨中須信有神僊種桃閬苑三千
歲茹藥人間七十季別室幽蘭香發遠中庭丹桂藥
方妍白雲解得青山意萬里飛來擁壽筵

壽金壇于居士六十

甲子壽添又一回舌翻墳典得心裁一航烟水拂衣
太五柳風塵解帶來高閣秋深生爽簾莖堂木落見
瓊臺絳紗帳外羣賢列寧肯輸他漢世才

壽黃夫人五十

機述

李公權詩集卷四

玉宇金風拂壽筵碧瞳青鬚已邁季五季璀璨承綸
寵三要通明見性圓自是松筠超物表一憑蘭桂秀
庭卉長春何用求方外箇裏舒眸繼祖田

壽周雲卿居士六十

山河世系還千戶江漢乾坤著此身抗節獨高洗耳
客尋幽多伴避秦人蒼松白石披襟地彩袖青雲浦
日春甲子不須論歲月烟霞詩酒興俱新

壽再生禪兄五十

坐斷三吳百億川神鋒凜凜耀當天期同海宇恒沙
數獨露靈山面目全清袖清風施好手半釣明月接

高禪慶君能得無生樂腦後圓明徹大千

送棲雲黃宗伯遊南嶽

旌旆翩翻彩仗鮮雲梯獨步陟層巔萬松深處丹霞
寺千漲浮來馬祖田遙接文星鐘韻杳半登靈嶽梵
音圓瀟湘滾滾皆桃李未識誰將衣盞傳

秋日過圓明寺賦贈爾初禪師

不貪幽宋不辭艱塈外茆堂可省顏求法人來浮古
渡放生魚過落卉灣鷗眠白水間當牖草引清風靜
掩關萬疊雲山皆拱坐鐘聲催處鴈聲還

幽湖指息菴贈道明禪師

且喜高棲近水邊看開別是一壺天帆從門外分南北雲起帆中遞後先喋喋漁謌醒午夢喃喃鳥語韻幽玄箇中儘有真機現到此何須更問禪

次韻答譚埽菴居士

昨日無端聚此堂塵揚宦海費商量千山躡屩尋知己隻履提持得大方暫作禾中雲水客還瞻吳會斗牛光雕龍繡鳳推君勝愧我空空一笑長

贈易修施居士

義能一貫理無偏率性真堪繼大賢道德祇今型後進行藏早已合先天學從乾健傳心要識比隨宜受

命全此日禾中添勝事春風浦坐又三千

贈忠可徐居士

已遠名場辨業因須息隙影電光頻謾矜絕代紅顏好最易臨頭白髮新一念不生全內寶六根鎔淨露家珍果能識得安身法養就神駒出俗塵

贈敬可徐居士

稔識浮名似幻如遠離人境結精廬庭蓀修竹堪藏月簷下環谿任走魚明眼早知三要旨忘心顛貫五車書莫將世事空牢係漢闕秦宮盡古墟

偕靜室住冰禪人詩以贈之

俗得三間近水傍入門無件不荒涼雲封瓦竈苔封
壁月滿蘿龕霜滿床常憶古人穿紙襪須知活計在
空囊相看別有安閒事贈汝新篇話正長

張權始居士來櫺李賦此以贈

幾季吳下識名流若箇如君肯遠遊帶水拖泥心自
淨逢場作戲事無憂一天雨雪詩腸潤萬里關山智
眼收龐老覺華吹更發妙香今日滿山樓

畱別嚴輶轍道人

聖制相將期又終何妨水錫空凌空濯孟就澗囊懸
樹舞棹橫波帆滿風撩起便行無彼此得緣方住任

東西一番法器難忘卻明月天涯處處同

別項梅雪居士

欲買扁舟過虎丘得相知處暫淹留芒鞚靚艸香生
足竹杖敲梅雪滿頭峰嶂平分吳越勢江河幾送古
今流何時再棹南湖月烟雨樓壻共唱醉

過譚右長居士館中作別時有善業者至賦以

贈之

窮途白眼水雲空一帶長江挂短篷不傍西東尋住
處祇緣左右識春風打開筈日瀏陽艸拗折當季石
葦弓聽徧五湖鄉曲子沒絃誰解奏商宮

撰述

卷之四

錢若水居士刪補西湖隄上桃柳賦此以贈
久識西冷景自奇水光山色兩相宜蹊間闢公新桃
幹隄上重添舊柳枝金管玉簫謌舞地風帆月榭雨
雲波與君一綫通消息奪得高標祇恁時

檇李胡奉谿居士築菴畱居作此以辭

樂城高築願弘深塵刹無煩較尺尋雨洗風揩難似
石龍獰虎伏久薰心橫身萬里空爲夏撒手千巖道
是林功德不從人處得祇園謾自布黃金

壽體泉沈居士夫人五十看菊拈祝

樓閣軒西菊吐黃清暉滿座興偏長梅檀金鼎分幽

靄經唄雲壇賦雅章南極圖開榮晚節北堂芝馥獻
瓊漿廷前桂子鹿鳴瑞檻外蘭孫鶴和祥散步平林
觀野趣廻瞻山石繞流芳煙霞道者無私祝聊俗鶯
湖拱壽觴

壽高夫人五十

金莖僊掌接瓊漿未必如君蔬水香不獨承家稱俊
傑要於明性識禎祥山河大地無窮色日月千秋不
異光多祉正如春酒滿三珠樹裏鶴羣翔

贈淨明菴決則老師

叅遍諸方老凍膾艸菴歸隱自藏鋒聲聲唬鳥青山

撰述

李本寧詩集

裏處處荒園墾菊叢澗水激渟畱夜月竹林瀟灑伴
高峰臨岐爲問安心事一把茆多住祝融

東塔功德林次壁間韻

掀翻大地道情深浦目青山不費尋樓閣已堪舒隻
眼優曇若箇話同心遠觀西北象王窟近睹東南師
子林昨夜海門消息至一輪突出到於今

與陳方三居士

識得當人舊王翁仲尼鼻孔本來同埽除文字閒枝
葉悟徹良知脫有空子欲無言俱漏泄吾無隱爾露
真風直須嚼出其中味道學從教一貫通

途中吟

一望川原世路紓周旋維谷轉癡愚風腥廣陌狐成
隊日薄寒巖虎負嵎落落自難吾道合滔滔孰識有
情殊蒼天哭在憑誰和竿木隨身崎與嶇

戊戌元日

又見東風度藥闌可盤桓處且盤桓金爐火在香初
遠石磬敲來聲未殘踢遍吳山何地好漫思楚水對
春寒老梅不減先平韻把茗叱豪試咏看

訪中明汰兄畱贈

曳杖捫蘿路入微竹松深處扣柴扉鳥喧總屬林泉

擬述

李太白詩集卷之四

與猿嘯非關人世機曾共龍山分片髓敢同虎穴運
全威但嗟相看季來老雲水重重悵幾違

贈倪伯屏居士

眼中金屑謬勞評水近高樓適墮情室擬維摩空未
得學期龐老悟無生廻環竹樹詩增韻遠映谿山畫
有聲識得箇中消息子宰官居士亦閒名

顧孟調居士六十賦贈

會爾初季五十餘算來甲子近何如光陰有限頻頻
惛妄想無邊漸漸除淨土覺華禪木灌識田愛艸慧
刀鋤百千萬劫都空過莫使今生又涉虛

孟夏將歸楚送畫先兄遊越

松花落盡古城邊榔櫓橫擔各一天每望雁群思故
里何當鹿苑別高賢春波處處珠沉月曉樹枝枝翠
拂烟一藏全提曾有約南來正脉賴流傳

其二

歷盡烟波意坦然掉歌聲裏過前川半瓢不滿千家
飯一葉常撐沒底船回首斷雲橫岸迎眸幽鳥矣
晴天真風掃地君須挽高策還期振楚蘋

其三

半鈎明月啟晴皋金錫雲從興復豪杯泛千江分祖

撰述

李公靜詩集卷之四

道詩成群玉和離騷懷親幾賦還鄉曲赤體誠如透
網鰐歸計不知何日就萬年松下聽秋濤

寄又洪師

圖南萬里意悠然展翅摩霄六息天句外機權標月
指夢中鄉緒續爐烟抱琴惟憶知音叟挂鉢猶慚負
米賢撩倒靈山多話墮期君收拾上雲巔

寄太白山古寺師

古柏森森立翠煙玲瓏深鎖碧岩巔自憐急楫揚波
遠誰信乘潮帶月圓何日共觀磨鏡石他年應聽指
南禪風前一段真消息借作新聲倩羽傳

寄爻人

野鶴閒雲帶晚過雙珠貫日媚江波晤時笑口千金
重別後愁眉一息多松下逢迎青玉案風前頻寄紫
芝歌午盂糲飯堪分供歲暮還鄉意若何

擬歸南嶽

曾於靈山得句真人天百萬少同倫狂謌社裡人皆
醉活火鑄邊事幾親秋水千江惟我泛梅花一賦許
誰陳舌頭拖地成孤負活計無如偶石筠

其二

探盡炎涼又住山不畱朕跡落人間世無俠士空呈

撰述

卷之三

劍林有柴扉且閉關花鳥不消逋客淚月梁仍照舊時顏誰爲宇宙無羈者把手相將薜荔還

其三

還鄉曲唱碧山頭槐葉蘆花烟雨秋易水寒風千古恨蠡江落日萬年愁林間有杖堪伏虎江面無心自狎鷗潦倒烟瀾生意遠錦鱗橈下看風流

其四

收綸罷釣老頭陀歸踞融峰不較多種石且圖抽紫筍培松寧羨引青蘿檻卉山色應如舊谷口人情任易他但得此身還故隱草堂風月自婆娑

其五

夷則風高雁字斜滄洲幾度嘆年華南湖羨有穿雲柂北海殊無貫月槎老去懶撻塗毒鼓秋來怕聽塞垣笳違時最恨岩前菊人未云歸先放花

其六

望衡何處隔清暉開眼寧知闔眼非遍地草蟲和露泣驚秋旅雁傍霞飛一天疎雨千山暗數壑閒雲萬慮微不是同條難作伴隨身竿木踏寒歸

其七

斷腸秋草滿天涯飄渺孤雲何處家南國開殘秦地

撰述

李公輔詩集卷四

菊西風落盡漢宮花。活埋幸有青山在。老病頻添白髮。賒湘嶺。豈無龍虎穴。成群何必混狐蝦。

其八

天涯踏遍又寒侵。若箇能同返舊林山。盡水窮欣有策。鳥啼花放了無心。屠龍劒客狂中舞。賦鵬書生醉裏吟。堪笑閒忙俱少實。乾坤何地覓知音。

其九

落木蕭蕭動客塵。侵藤二鼠不饒人。貪他蜜味將心魅。贏得流離似我貧。沉醉九醞常處夜。循環六趣幾生身。老僧雲散枯岩日。幾度呼君早出倫。

其十

瓢囊雲水問瞿曇。吸盡滄溟學放憨。堪美紙衣溫似續。頻思棠梨美于柑。瀾翻智度悲。龍樹血染離騷賦楚。南骨白于山。侯萬戶何如破衲擁蘿龕。

示子修高居士

存心養性本非同。見性明心義孰融。所幸少年能有志。直須慧劖截長空。五車書外明三要。一喝聲中證六通。休得逢場尋傀儡。到頭當認主人公。

壽普明寺明巖老師七十

南華風景恣敖游。海月山雲眼底濤。兩岸蓼花乘醉

撰述

李公忠集卷之四

壑一湖澄練滿烟樓好看星斗呈金果喝起虹霓駕
玉洲昨夜廣寒宮未閉普明重掛一枝秋

贈高念祖汝揆更生三居士

爭羨門容駟馬車文章澤在看傳家學通百氏推才
數法識三乘見慧花福德夙生成有自勳名他日並
堪誇期君外護母忘却現宰官身願不賒

七言四句

參禪偈六首

話頭疑處須猛烈打破虛空要見血不向此回下毒
手千生萬劫應難徹

話頭疑處見空王疑到忘機露寂光自是面門常出
現無形無影貌堂堂

話頭疑處俗情除貴在承當無欠餘栗棘金圈吞吐
盡堂堂獨露豈非渠

話頭提起絕狐疑殺活縱橫顯大機手把金剛王寶
劍魔來佛往一齊揮

話頭疑處咬枯根咬斷枯根見不存滋味淡然須吐
却始知遍界獨稱尊

話頭疑處透生死一透直入無彼此看破秤錘原是
鐵塵塵刹利利絕終始

念佛偈六首

念佛須教審是誰分明覲體露全機但得淨念常相
繼九品蓮邦處處歸

念佛聲中須自薦回光看破娘生面等閒一句都忘
却心佛不離這一念

念佛迢迢拽轉來五葉蓮華當處開枝枝葉葉俱剪

畫心佛衆生一處埋

念佛一聲卽到家何須特地起多嗟西方大道如弦
直擬涉思惟路轉差

念佛心中絕點塵莫將迷悟辨疎親自性彌陀渾不
覺只是花前月下人

心心念佛自純清珠山寶樹茂榮榮苦海愛河無住
處于無住處見平生

萬年松

冰霜節與鐵心堅太古音傳風雨前但使深根植地
老寧憂直幹不扶天

過高橋普度尼菴借宿

踏破蒼苔訪舊踪
新花嫩柳映溪容
山光四顧寒烟暮
挂錫何妨聽曉鐘

秋日懷母

研額萱堂秋信來
籬邊黃菊帶霜開
爲憐消息無人寄
一日峯前望幾回

題太白祠

凜凜寒祠古木悲
白衣猶記作詩時
祠前亦有商山路
不學商山歌紫芝

偈示優婆夷自外道轉禪

道者却邪求證心
真心切勿遠追尋
了知自性原無礙
錫犬全彰刲外音

寄祖印法兄

金菊籬邊濯露鮮
蓼華江上月娟娟
夜來夢度瀟湘雨
誰謂迢迢隔水烟

宗玄兄還南嶽貽詩畱別次韻送之
一聲毒塗鼓驚聞
何處人逢不識君
謾說於今成獨往
五湖烟水儘殷勤

和張權始居士萍寓有感四首

堪嗟大夢似霜華
邂逅雲萍即是家
認得家時原不

撰述

住一瓢一杖是生涯
南湖烟雨漾高樓一色長天日共游好識曼殊最後
句慧刀拈起截奔流

大虛閃電不留停憎愛何須逐隊行識取娘生真面目
肯教埋沒過平生學道原爲究此心非圖名字挂蓑林話頭參到忘心處
不向他家壁上吟

示錢牧齋夫人

鴻鈞轉處露陽春好聽鶯啼綠柳陰驚起渠儂無背面
一輪依舊落西林

示錢復先夫人

滾滾紅塵隊裏人莫將情念強疎親試看雪須新晴後萬樹依然舊日春

示孫孝若夫人

梁若驪珠不假揮尋常日用露全機桃華浪裏春雷
蟄撥轉機輪徧界輝

示瞿道人

痛棒三遭血濺飛新春不附舊時機電光石火能舒眼撒手懸巖獅子威

與高夫人

萬里青霄絕點塵一輪明月耀乾坤茫茫宇宙人無數幾箇如君開頂門

撥迷

卷之三

七

示愚山人
示愚山人
示愚山人
示愚山人

送外傳大師歸卓犖
送外傳大師歸卓犖
送外傳大師歸卓犖
送外傳大師歸卓犖

示愚山人
示愚山人
示愚山人
示愚山人

示愚山人
示愚山人
示愚山人
示愚山人

四言

示雪星道人

不知最切知有成顛空印海水海印空天無欠無刺
無中無邊機分銖兩位合正偏痛棒三顛肋下三拳
父慈子孝本自天然如水投器器圓水圓

五言

與如心道者

人謂公季老余謂公學小遇事如不知於已無煩惱
一榻自翛然三心何處討悠悠棲物外兀兀超塵表
大智曰若愚大拙成真巧萬象本蕭蕭一靈常皎皎

撰述

父手告松筠誰爲世間寶

五言四句

辭南嶽山茨和尚捨

一片秋空淨南山艸木深暮雲千嶂色何處不關心

竹

明月橫空影清風杳拂塵堅貞原有節虛白本無心

六言四句

示衆居士四偈六首

大千劫火洞然此箇原來不壞誰知滿目青山盡是
汰身三昧

指上豈能見月鏡中何用尋頭不道卽心卽佛便去
騎牛覓牛

假和地水火風未免生老病死寶藏人人現成何必
遺金孫子

幻影任歸露電宗心俱付寒灰直須休太敬太那管
魔來佛來

贈天游駱居士二首

羨爾文章滿世却從湘水沉之西江一口吸盡處處
生涯大奇

句句聖賢風雅言言佛祖婆心更有一顛白雪散作

陽和滿林

換通

卷之四



讚

南嶽山炭和尚像

者箇宗匠忒殺無狀獨踞南嶽峰頂冷地吞烟吐瘴
龜毛拂子拈起驚人突出眼睛佛魔膽寒纔涉擬議
劈頭來動轉施爲難測量多少平人受你活埋被我
覲破藏身隱相咄休隱相無虛妄讐恨難消描來供
養

龍池萬如和尚像

者老漢黃面皮不開口說菩提贏得一雙眼輸卻兩
莖看澗狹水流急山高月上遲祇要鯨鯢神變化滔

天惡浪滿龍池

大渝法兄騎牛小像

兩鬢蓬鬆高騎白犧博徹斯文貫通今古滅卻臨濟
正法眼踢殺玄沙一隻虎

古鑑法兄像

者漢生來孟浪動輒拈條白棒浸殺龍池水裏突出
佛祖頭上禪流不用疑猜便是古鑑和尚

自讚

無中卻生有向外揚家醜不喫趙州茶寧呻曹山酒
能令一喝下須彌山倒走問著生緣處白棒當頭摟

超月優婆夷行樂圖

不是僧兮不是尼六門面面鍊牛機當軒突出無回
互午夜堂奔月正輝

黃夫人行樂圖

者箇夫人知不知一身隨處露雙眉欲知叉手藏鋒
句盡在凭闌不語時

倪伯屏居士像贊

峩冠博帶大坐當軒雷聲淵默邦家之瞻雖然現出
宰官像長老之名四海傳

撰述

李氏通雅

三

書問

寄興化沈居士

貧衲於貴邑少緣不克久居與居士面商箇事悵甚
 泰州期中安靜僧舍頗潔無勞致念居士叅究雖有
 箇入頭然向上一路猶太遠在須知古人一期方便
 直下無你迴避處祇貴遠得便行不存軌轍始可捉
 他淨名龐老敗缺稍涉遲疑白雲萬里豈可今日明
 日存想究竟縱然悟去堪作甚麼古人云莫守寒巖
 異草青坐郤白雲終不妙惟居士自勉之

與李三夫人

60 1 2 3 4 5 6 7 8 9

10

11

12

13

14

15

16

17

18

19

20

21

22

23

壽承道愛情出格外遙憶慈容宛如覩面泰州居止
頗靜無勞分慮曾欲道人看城東老母公案地與時
遙不知近日體究如何山僧有箇頌子聊爲舉似益
以良驥追風或借勢於鞭影也繡戶臨芝絕品評何
須開宴待瓊英十分春色遊人醉一種天香透骨清
向者提得便行可謂天上天下唯我獨尊不見有佛
可成有衆生可度來去自由如鳥飛空豈不暢快平
生耶倘其不然也須自加鞭策始得

與李四夫人

向臨貴邑未及一造高軒至今猶耿耿也道人智量

過人辨才越衆正好從火宅以駕白牛入化城以躋
寶所否則不異衣秘摩尼而俗光東壁也惟道人淬
志步步轉身頭頭脫體山僧雖有成
息屬夏行冬今更甚爐鞴鉗

重

用想加

也貧衲竿木隨身逢場可知矣

五遍所謂天地與我同根萬物
三豎四那管通身泥水百結
云屎臭薰天亦偶然法華爭敢爲
君宣鼻中若有通天竅一任橫行不著穿盡大地無
不是箇清淨道場了無罣礙所念人人有一大事因

緣在聖不增在凡不減迴脫塵根高超言象遇緣應
勿觸處圓成萬變千奇不離本際祇爲情生智隔想
衣染濃如膠漆輪迴六道無繇解脫貧
見面提持得出苦海不得不如今
伏惟各自努力珍重珍重

日饑光

本得那時方知我

兄弟善付度之

年每見縉紳居士參究此道者不是
大抵偏枯瘦爲知解籠罩真參實究者屈指全無答
日龐居士楊大年李駢馬輩皆操履真實見道穩密

此等流亞無復再見苟造高軒見居士行色匆匆未
尋盤桓爲悵邇來宗乘似盛實衰惟居士現宰官身
支自己日用不負靈山囑托凡遇師匠
又皮所長勸我所短則道學淵
深轉入轉深

益後進

看是

俯仰之間

法尚不可得况世法耶山僧書
大笑且道笑箇甚麼言多去道轉遠

居士就焚之



雜著

悼祖風辭

天下芬芳分宗裂派兮海

人別重空兮命盡兮

60 1 2 3 4 5 6 7 8 9

10

1 2 3 4 5 6 7 8 9

80

1 2 3 4 5 6 7 8 9

唯喃語

當知學道如牧牛法慎勿縱緩犯人苦

已復舒抑使心印今他

力世緣殊可罷看箇話頭心心無間
遠志圖見性宜寡言詞多
利壞良心無甲

手退人

卷之三
溝

持明師見人不

待老宜寬在下者宜慈

物在上者須孝敬不孝敬類犬馬嘗

才以聲利自

60

1

2

3

4

5

6

7

8

9

10

1

2

3

4

5

6

7

8

9

80

1

2

3

4

5

6

7

8

9

示衆禪者偈

天然倒

火渡生死海須乘般若舟

九台斷流

60

1

2

3

4

5

6

7

8

9

10

1

2

3

4

5

6

7

8

9

80

1

2

3

4


5

6

7

8

9



七

四十一